

REFERAT Kommunalbestyrelsi d. 04-10-2022

Mødedato Tirsdag d. 04. oktober 2022 kl. 16:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumi	8
Tunumi nunaqarfinni angerlarsimaffimmi paarsisartoqarnermi neqeroorummi allannguineramik ilisi	11
Atuartut angerlarsimaffiannut innersuussinermut ataatsimiititamik pilersitsineq.....	14
Inuusaq atorlugu suliniut - kinguaassiuutitigut peqqissuunissaq.....	17
Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq.....	23
Tapiissuteqartarnermut malittarisassanut nutaanut siunnersuut.....	27
Suliffeqarneq pillugu politikki 2023-2033.....	31
Kommunimut pilersaarummut tapiliussap 3A8-4 Iiminaq, Nuuk inaarutaasumik akuersissutigineqar	34
Ukiumoortumik naatsorsuutit 2021 – naatsorsuutit inaarneqarneri kukkunersiuisut oqaaseqaataanni	37
Kukkunersiuinissamut neqerooruteqartitsineq.....	40
2023-mut missingersuutit siullermeerneqarneri.....	43
Siulersuisunut ilaasortanik sinniisunillu nutaanik taasineq.....	48
Folketingimut 2022-mi qinersisoqarsinnaaneranut qinersinermut siulersuisunik pilersitsinissaq.....	51
Kommunimut nalunaarutiginnittarnerup aaqqiiffigineqarnissaata oqallisigineqarnissaanut siunnersu	54
Lukket.....	57
Tamalaat.....	58
Imaqarniliap akuerineqarnera.....	59

Punkt .: Saqqaa

Ilaasortat

Avaaraq S. Olsen (IA)
Charlotte Ludvigsen (IA)
Juaaka Lyberth (IA)
Uju Petersen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Inga Dóra G. Markussen (S)
Dorthe-Marie Mogensen-Fontain (S)
Peter Davidsen (S)
Mala Høy Kûko (S)
Laura Táunâjik Uitsatikitseq (S)
Dines Mikaelson (S)
Ken Madsen (N)
Finn Karlsen (N)

Beslutning

Peqataasut:

Avaaraq S. Olsen (IA)
Charlotte Ludvigsen (IA)
Juaaka Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Inga Dóra G. Markussen (S)
Dorthe-Marie Mogensen-Fontain (S)
Peter Davidsen (S)
Finn Karlsen (N)

Attaveqaatitigut peqataasut::

Uju Petersen (IA)
Inge Olsvig Brandt (IA)
Laura Táunâjik Uitsatikitseq (S)
Ken Madsen (N)
Marie Uitsatikitseq (S) Mala Høy Kûko-mut (S) sinniisoq

Ataatsimeeqataasinnaanatik nalunaartut:

Naya-Sophia Lyberth (IA)
Mala Høy Kûko (S)
Dines Mikaelson (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput. Tamalaat oqaluuserisassanut ilanngunneqarput.

Punkt .: Nalunaarutit

Beslutning

Borgmester Avaaraq S. Olsen (IA) nalunaarutai:

Sap. Ak. 36

Inoqarfiit minnerit pillugit ataatsimeersuarneq – Isumaginninnermut, Suliffeqarnermut, Nunamullu Namminerit Naalakkersuisoq, Jess Svanep aaqqissuussaanut peqataavunga.

Ataatsimeersuarnermi sammisavut ukuupput:

- Atserineq aqqusegillu pillugit ajornartorsiutit misilittagarineqartullu
- Inissiaqarnerup inissiallu peqqissutsimut siunniutai
- Inoqarfinni umiarsualiveqarnerup, angallassinnermut kiffartuussinissamut isumaqatigiissutit iluanni pisariaqartitat ersarissarneri _

9. sept.: Vestnordisk hovedstadsfondimi ilasortat ataatsimiippugut. Ataatsimiinnermi sammivagut, naatsorsuutitnik akuersineq, aningaasaliiffigineqarusuttunik qinnuteqaatinik suliaqarpugut.

10. sept.: Video atorlugu Arctic Parliamentarians Nuummuk tikilluaqqusineq.

Sap. Ak. 37.

14. sept.: Nuuk Film Festivalimik ammaanersiornermut peqataavunga.

19. sept.: Vestnorden Travelmartip ammaanersiorneranut peqataavunga.

Sap. Ak. 38

24. sept.: NSIP sulisartorpassuarnut inissiat sammitinneqartut pillugit ataatsimeersuartitsinerani peqataavunga, aamma Nuummi innuttaasut, inissialiornernillu killiffiit pillugit saqqummiussaqaarpunga.

24-25. sept.: Tasiilami Piterarnerani kommunemi atorfilittat ulappupput, suliassallu assigiinnigitsut ingerlaannaq suliarineqalerput, suli ulapputtoqarpoq.

Sap. Ak. 39

28. sept.: Ilisimatusarfiup rektoria Gitte Adler Reimer Ilisimatusarfimmik ilisaritsitineruvoq, ukiullu ingerlanerani pisussat ilanngullugit ilisimatitsissutigalugit. Aamma iluatsillugu Ilisimatusarfimmi ilinniartunik

29. sept.: Nunamed 2022. Nunamedit aqqanilissaat – Kulturi, peqqissuseq inuunerissuunerlu qulequtaritinnegartumi pisarnertut Kommunerput ilasseqatigiinnermik aaqqissuussaqaarpoq. Ataatsimeersuarnissamut nunanit tamalaaniit peqataasorpassuit tikilluaquakka.

30. sept.: Nunaqarfinni Aqutsisuusut siulittaasui aappaagumut aningaasartuutissatut siunnersuutaasut missingersuutit pillugit saqqummiivigaakka, aamma politikikkut isumaqatiginninniarnertit ilanngullugit.

Suliffeqarnermut Isumaginninnermullu Ataatsimiititami siulittaasup Inge Olsvig Brandt (IA) nalunaarutai:

Pisortaq Ejner Grønvold Suliffeqarnermut Isumaginninnermullu Ataatsimiititamut ilaasortat peqatigalugit Tromsømut septembarip ulluisa 26-annit 30-annut ataatsimiititap angalanerani peqataavoq. Inuit timikkut piginnaasakillissimasut Tromsø Kommunianit qanoq sullinneqartarnersut ilaatigut ataatsimiititamut ilaasortanit misissuiffigineqarnissaa siunertarineqarpoq.

Inunnut innarluutilinnut aamma Tarnimikkut nappaatilinnut Immikkoortortaqarfik

Sapaatip akunnerini 40-42-mi Kommuneqarfik Sermersuumi najugaqatigiiffiit najugaqarfiillu innarluutilinnut sapaatip akuneqartitsinerami sammisassaqaartitsisuussapput, pingaartumik innarluutilinnut paaqqinniffinni najugaqartunut

sulisunullu. Sammisassaqtartsinerit 20-t sinneqassapput, soorlu banko, kaffemik, il.il., kommunimi pisinnaasakillimasut katersuutsinneqarlutillu, peqatigiinneqarlutillu nuannisartinneqassapput.

Oqartussaaffeqarfik

1. januaari 2023 aallarnerfigalugu pisortanit ikiorsiissutinut suliffissaaleqisunullu ikiorsiissutit pillugit inatsisit nutaat atuutilissapput. Inatsisini marluusuni allassimavoq, sulianik suliaqarnermi qarasaasiaqarnermi systemi ataatsimoorussaassasoq. Naalakkersuisoqarfimmut uteqqiattumik apeqqutigineqartaraluartoq systemip nutaap atulersinneqarnissaanut pilersaarutip tigunissaa suliluatinneqanngilaq. Qarasasiakkut systemi Nunatsinni kommunit atoriigaat atorlugu 2023-mi inatsisissaq nutaaq naapertorlugu naatsorsuineq aningaasanillu tunniussisarneq pisinnaanngillat.

Nammineeurluni immersuineq suliarineqassappat kommunimi sulisorpassuit atorlugit aatsaat naammassineqarsinnaavoq, taamaaliornermilu sukumiisumik naatsorsuinerneq suliaqarnissaq kipiluttunassaaq. Ingerlatsivimmiit nalilerneqarpoq, inatsisit nutaat malinniarnissaat qarasaasiakkut systemit nutaat pigineqanngippata malinneqarsinnaassanngitsut.

Namminersorlutik Oqartussanit erseqqissaasoqarnissaa sulil anguniarneqarpoq, peqatigitillugulu Suliffeqarnermut Isumagininninnermullu Ingerlatsivimmi innuttaasunut akornusiinissaa sapinngisamik minnerpaaffianiitinniarlugu aaqiissutissarsiortoqarluni.

Utoqqarnik suliaqarfik

Nunani tamalaani Utoqqarnut ullorititaq

U. 1. oktobarimi Nunani tamalaani Utoqqarnut ullorititamut atatillugu Nuummi, Tasiilami Paamiunilu utoqqaat illuini utoqqarnullu najugaqatigiiffinni sapaatip akunnerini 39-mi 40-milu assigiinngitsunik unammuaartitsisoqassaaq, kommunimilu utoqqarnut najugaqarfinni najugaqartunut sulisunullu nereqatigiisitsisoqassalluni.

Aalborg Kommune-mit tikeraartoqarneq

Ulluni 26.-28. septembari kommunitut ikinngutigisami Aalborgimi angerlarsimaffimmi ikiortit Nuummi angerlarsimaffimmi ikiortit tikeraarpaat, misilittakkanik avitseqatigiiffiuvoq, ilaatigullu sulinerneq avatangiisit, suleqatigiinneq, piginnaanngorsaaneq, kommunimi napparsimasunik/sullitanik isumannaallisaaneq angerlarsimaffimmilu paarsisartunik aaqqissuussineq pillugit eqqartueqatigiittoqarluni.

Sanarfinermut Avatangiisinullu Ataatsimiititami siulittaasup Finn Karlsen (N) nalunaarutai:

Tasiilami eqqaanilu piteraq

Tasiilami piterarneranut atatillugu Upalungaarsimasut allaffeqarfimmilu sulisut sinneri oqartussaasullu allat peqatigiillutik annertuumik iliuuseqarput. Taamaalilluni Kommunimit piteralinninnerani piareersimasoqarpoq, aammalu anorersuarnerani ikiuttoqarluni.

Kingornatigut aseruaiternerit qanoq annertutiginerat qulaajarneqarpoq, ingammik illoqarfimmi sanaartukkanik, kommunip suleqatigisaanit, paasisimannittumit. Kommunimit sanaartornermut pisortap Tasiilamut angalanissaa sulissutigineqarpoq, taassuma illoqarfimmi teknikerit suleqatigalugit aseruaiternerit nalunaarsorniassammagit aammalu sanaartornermut atortunik nassiussinerit tunniussinerillu isumagineqassammata.

Inuussutissarsiutillit oqartussaasullu allat suleqatigineqarnerat:

Ingerlatsivimmit allaffissornikkut sanaartornermi suleqatigiittussat tassaasut sanaartornermik suliallit Pilersarusiornermut immikkoortumi toqqammavilerlugit pilersinneqarput, entreprenørit siunnersortillu ingerlatsiviup oqartussaasut suliaqarnissaanut qaaqquneqarlutik. Siunertaavoq suliaqat suliarineranni suliallit nalinginnaasumik suleqatigiinnikkut eqaannerusumik suleqatigiillutik suliarinninnissaat.

Pilersarusiornermut immikkoortumit Nunatarsuup akuersissuteqarfiginissaa pillugu paasisutissiilluni ataatsimiititsinissaq pilersarusiorneqarpoq. Paasisutissiilluni ataatsimiititsineq ingerlanneqassaaq Namminersorlutik Oqarsussat suleqatigalugit, tassani Inuussutissarsiornermut naalakkersuisup akuersissuteqartarnermut inatsit nassuiaatigissavaa.

Ingerlatsineq:

Nuuk Imiup aamma sullorsuup eqqaani sapusiaq pitsaajunnaarluni aserfallattoq paasineqarpoq. Sapusiap betonnitai immersuutaalu taarsersorneqassapput. Ingerlatsivimmit siunissaq qaninneq ungasinnerusorlu eqqarsaatigalugit

aqquserngup piaarnerpaamik isumannaallisarneqarnissaa sulissutigalugu aallartinneqarpoq. Sanarfinermut immikkoortumit siunissaq ungasinnerusoq eqqarsaatigalugu aningaasaliissutissat ujartorneqaleruttoq.

Punkt 1: Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumik pilersaarummik 2022-2025-mik suliaqarneq

Beslutning

Ilisimatitsissut tusaatissatut tiguneqarpoq.

Bilag

2022-mi Nunaqarfinni aqutsisut isumasioqatigiissinnerannit nalunaarusiorneq

Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa

Nunaqarfimmi aqutsisut isumasioqatigiissinneqarnerat 2022 aamma nunaqarfinnut immikkoortumik pilersaarummik 2022-2025-mik suliaqarneq

Ilisimatitsissut

SagsID: EMN-2020-04607

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- nalunaarusiaq tusaatissatut tiguneqassasoq

Suliamik saqqummiussineq

Kommuneqarfik Sermersooq ulluni 23. aamma 24. maaji 2022 Nuummi Nunaqarfinni Aqutsisunik isumasioqatigiissitsivoq, qulequtaralugu "Nunaqarfiit oqartussaaqataasut aammalu Politikikkut anguniakkat".

Isumasioqatigiinnerup siunertaraaq Nunaqarfinnut immikkoortumik pilersaarutip nutarterneqarnissaanut (2022-2025) toqqammavissanik aammalu sinaakkutissanik suliaqarneq. Nunaqarfinni innuttaasunik ataatsimiissitsinermi qulequttatut sammisassatut kissaatigineqarsimasut oqariartuutigineqarneri aammalu Kommuneqarfik Sermersuumi massakkumut tigussaasumik iliuuseqarfigineqartut toqqammavigalugit isumasioqatigiinneq ingerlanneqarpoq.

Qulequttat pingaarneri Kommunalbestyrelsip augustip 29-ani immikkut ittumik sammisaqarnerani saqqummiunneqarput, maannakkullu nalunaarusiami ilanngussami 1-mi takuneqarsinnaallutik.

2017-imiit 2021-mut nunaqarfinnut immikkoortumut pilersaarutip nutarternernanut atatillugu isumasioqatigiinnermit oqariartuutigineqartut pingaarneri Suliffeqarfimmut Kiffartuussiviup ilanngullugit suliarissavai. Oqaloqatigiinneq toqqammavigalugu nunaqarfiillu aallaavigalugit sulineq ingerlanneqarnissaa aaqquissuunneqarpoq. Siunertaavorlu susassaarfiit akimorlugit pilersaarut suliarineqassasoq, taamatuttaaq siunertaalluni Nunaqarfinnut, Nunaqarfinni Aqutsisunut, Kommunalbestyrelsimut allaffeqarfimmullu sakkussaattut pilersaarutip suliarineqarnissaa. Missingersuutit suliassallu ataqatigiissarnissaat aamma immikkoortumut pilersaarutip imarissavaa.

Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa Kommunalbestyrelsip augustip 29-ani immikkut ittumik sammisaqarnerani aamma saqqummiunneqarpoq, ilanngussaq 2.

Nalunaarusiaq aammalu ingerlatsivinniit nunaqarfinnii unammillernarsinnaasut pingasut pillugit, nunaqarfinni ingerlalluartut pingasut pillugit aamma nunaqarfiit ingerlalluartut pisariaqartitai suunersut pillugit saqqummiinerit aallaavigalugit Kommunalbestyrelsi 3. oktobar immikkut ittumik sammisaqarnermi nunaqarfinnut politikikkut anguniagassanik suliaqassaaq. Politikikkut anguniagassat immikkoortumut pilersaarummi anguniagassatut ilanngunneqarumaarput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Suliffeqarfimmut Kiffartuussivimmit aningaasatigut naliliineq
Oqaaseqaateqartitsisoqanngilaq.

Inatsisitigut tunngavissaq allakkallu tunngaviusumik uppernarsaatitalit
Nunaqarfinni aqutsisut isumasioqatigiinnerannut toqqaannartumik atassuteqanngilaq.

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 22.09.22:

Inassuteqaat akuersissutigineqarpoq.

Ilannussat

1. 2022-mi Nunaqarfinni aqutsisut isumasioqatigiissinnerannit nalunaarusiorneq
2. Nunaqarfinnut immikkoortumut pilersaarummik nutaamik 2022-2025-mut suliaqarnermi suliap ingerlariusissaa

Punkt 2: Tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut

Beslutning

Ilisimatitsissut tusaatissatut tiguneqarpoq.



Tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut

Tasiilap nunaqarfiini 0-3-nut ukiulinnut paarsinissamik neqeroorummik pilersitsinermik ilisimatitsissut

Ilisimatitsissut

SagsID.: EMN-2022-07214

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititamiit Kommunalbestyrelsimut inassuteqaatigineqarpoq:

- tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut tusaatissatut tiguneqassasoq

Suliassamik saqqummiussineq

Tunumi nunaqarfinni angerlarsimaffimmi paarsisartoqarnermi neqeroorummi allannguut ulloq 8. decembari 2021-mi Kommunalbestyrelsimi ataatsimiinnermi akuersissutigineqarpoq. Tamanna pivoq nunaqarfinni ukioqanngitsuniit pingasunik ukiullit paarineqarnissaannut pisariaqartitsineq matussuserniarlugu.

Ingerlatsivimmi kissatigineqarpoq, allanngortiterinerмик suliaqarneq pillugu ilisimatitsisoqassasoq killiffissiuineq ilanngullugu.

Nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi paarsisartoqarneq, 0-5-inut ukiulinnut angerlarsimaffimmi paarsisarnermik aqqissuussanngortinneqassaaq, ammasarfiilu ullumikkut 08.00-miit 15.00-mut, 08.00-imiit 16.00-imut tassa 1 tiimimik sivitsorneqassallutik.

Kulusumi meeqqanut 0-imiit 5-inut angerlarsimaffimmi paarsisarnermik aqqissuussaaq aamma akunnermik ataatsimik sivitsorneqassaaq, ullumikkut 8.00 - 15.00-mut ammasartoq 8.00 - 16.00-imut sivitsorlugu.

Nunaqarfinni angerlarsimaffimmi paarsisartoqarnermi illut naleqquttut pissarsiarisinnaajumallugit ingerlatsivimmi decembari 2021-mili qulaajaaneq ingerlanneqarpoq. Ingerlatsivik Iserit suleqatigalugu eqqumaffigivaa, Kuummiini, Sermiligaami Kulusummilu init anginerusut pisariaqartinneqartut.

Meeqqanik ukioqanngitsuniit 3-nut ukiulinnik paarsinissamik neqeroorutini tamani atortut pisariaqartut tamaasa, taakkununga ilaallutik nangilersuviit, naalungiarsunnut siniffiit il.il. inniminnerneqarnissaannik suliniuteqartoqarpoq.

Sermiligaami, Tiilerilaami aamma Isertumi atortut piareerniariarpata meeqqanik amerlanerusunik inissaqartitsisoqalissaaq. Taamaattorli Sermiligaami kissatigineqarluni, atisaajartarfimmi inissaqarnerulernissaaq aamma nillataartitsivik qerititsivillu ullumikkut pinnguartarfimmiitinnegartut inissaqarnissaat pillugit paarliup allineqarnissaa.

Maannangaaq Kuummiini meeqqat 14-nit paarineqartarput sulisunit pingasunit. Atorfinitseqqinnissaaq sulissutigineqarpoq, sulisut meeqqat amerlassusaannut nalimmassarniarlugit.

Nunaqarfinni ilinniarsimasunik piukkunnarsimasunillu sulisoqarnissaaq ingerlatsivimmit eqqumaffigineqarpoq. Ikiueqqaarnermik pikkorissarneq pingaarnersaatinneqarpoq, siunissamilu ungasinnerusumi qaammatini qulingiluani ingerlasussamik Ulluunerani neqeroorutini ikiortitit ilinniagaqartitsinissaaq.



Tulleriissarisartut aamma ulluunerani neqerooruteqarfimmi fagchefti septembarimi nakkutilliarternerninnut atatillugu sulisunik angajoqqaanillu ataatsimiititsiniarput, allannguutit akigititallu pillugit tassani paasissutissiissutigineqassallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq, kap. 4 aamma 5.

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 07.09.22:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 22.09.22:

Ilisimatitsissut tusaatissatut tiguneqarpoq.

Ilanngussat

Ilanngussaqaanngilaq.

Punkt 3: Atuartut angerlarsimaffiannut innersuussinermut ataatsimiititamik pilersitsineq

Beslutning

Ilisimatitsissut tusaatissatut tiguneqarpoq.

Bilag

Innersuussinermut ataatsimiititamut innersuussinermillu ingerlatsinermut najoqqutassanik nassuiaammut utaqqiisaasumik siunnersuut



Atuartut angerlarsimaffiannut innersuussinermut ataatsimiititamik pilersitsineq

Ilisimatitsissut

SagsID: EMN-2022-05388

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- innersuussinermut ataatsimiititamik pilersitsineq pillugu ilisimatitsissut tusaatissatut tiguneqassasoq

Suliassamik saqqummiussineq

Ukiup nikinnerani atuartut angerlarsimaffianni najugaqarneq pillugu nalunaarut nutaaq atuutilerpoq. Nalunaarutip ilaani innersuussinermut ataatsimiititamik pilersitsisoqassasoq peqqussutigineqarpoq. Innersuussinermut ataatsimiititaq taana suliannik attuumassutilinnik suliaqartunik kommunimi ingerlatsivinnit ataasiakkaaneersunik inuttaqassaaq, pisariaqassappallu allanik kiisalu oqartussanik attuumassutilinnik peqataatitsisinnaassalluni. Taamatuttaaq innersuussinermut ataatsimiititaq atuartut angerlarsimaffianni aqutsisunik oqaloqateqartassaaq.

Innersuussinermut ataatsimiititap atuartup kommunimi atuartunut angerlarsimaffimmu inissineqarnissaanut atatillugu, perorsaanikkut immikkut ikiorsiinissamut il.il. pisariaqartitsinermik, ikiorsiinissap suussusaanik annertussusaanillu kiisalu kommunimi atuartunut angerlarsimaffimmi najoqqutassat atuartup pisariaqartitaanik isumaginninnissamut naammannerinik naliliisarnissaq siunertaraa.

Innersuussinermut ataatsimiititap aamma atuartup pisariaqartitaasa atuartunut angerlarsimaffimmiinnerata utaqqiisaasumik atajuartussamilluunniit piffissaatinnagu naammassinissaanut atatillugu isumagineqarnissaat siunertaraa. Naggataatigut innersuussinermut ataatsimiititaq aamma atuartunut atuartut angerlarsimaffianniittunut pissaanermik atuisoqartillugu nalunaarfigneqartassaaq.

Innersuussinermut ataatsimiititaq nalunaarummi atuartumik, arlaleriarluni allakkatigut mianersoqquneqareernerup kingorna illumi ileqqorissaarnissamullu malittarisassanik unioqqutitsisumik immikkut ikiorsiinermik aallartitsisoqassaneranik aalajangiisinnanannermik ersarissumik pisinnaatitaapput. Ilutigalugu innersuussinermut ataatsimiititaq, atuartoq atuartut angerlarsimaffianni atuartunut sulisunulluunniit annertuumik ajoqutaasumik pissusilersorpat atuartut angerlarsimaffianniinneranik unitsitsinissamik aalajangiisinnanannissamik ersarissumik pisinnaatitaapput.

Innersuussinernerup ingerlaneranut najoqqutassat nalunaarut nutaaq malillugu kommunip nittartagaani tamanut saqqummiunneqassapput. Tamanna tunngavigalugu Meeqqanut Atuarfeqarnermullu Ingerlatsivik innersuussinermut ataatsimiititap ingerlanneqarneranut innersuussinermillu ingerlatsinermut najoqqutassanik nassuiaammut utaqqiisaasumik siunnersuummik suliaqarpoq. Tassani immikkoortumi siullermi nalunaarut malillugu innersuussinermut ataatsimiititaq pillugu nuna tamakkerlugu aalajangersakkat nassuiarneqarput, matumalu kingorna innersuussinermut ataatsimiititap katiterneqarneranut, akisussaaffimmik agguataarnermut innersuussinermillu ingerlatsinermut najukkami aalajangersakkat nassuiarneqarlutik.

Innersuussinermut ataatsimiititamut pingaarnertut akisussaaffik matumani sullissineq, allatsitut atuuffik ataqatigiissaarinerlu ilanngullugit, Meeqqanut Atuarfeqarnermullu Ingerlatsivimmi



Atuarfeqarnermut Immikkoortortamit pingaarnertut ingerlanneqassapput. Najoqqutassanik nassuiaat innersuussinermut ataatsimiititami ilaasortat sinnerinut saqqummiunneqareerpat ukiumilu atuarfiusumi 2022/2023-mi innersuussinermut ataatsimiititap aallartisarneqarneranut atatillugu misilittakkat siulliit pissarsiarineqareerpata, najoqqutassanik nassuiaammi immikkoortup tulliani allanngortiterinissaq pisariaqalersinnaavoq.

Ingerlatsivimmit aningaasatigut sulisoqarnikkullu naliliinerit

Innersuussinermut ataatsimiititamik pilersitsinissamut, ataavartumillu ingerlatsinissamut atatillugu aningaasartuutissat ingerlatsiviup nammineq missingersuutaasa iluannit akilerneqarsinnaapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq
- Kommuneqarfik Sermersuumi atuartut angerlarsimaffiannut immikkoortumut pilersaarut
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsineq ikiorsisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Naammattusaammik atuartitsineq, kalaallit danskillu oqaasiinik immikkut aaqqissuussamik atuartitsineq kiisalu ilitsoqqussaralugu oqaaserisanik atuartitsineq pillugit Namminersornerullutik Oqartussat nalunaarutaat nr. 21, 21. december 1999-imeersoq
- Inatsisartut inatsisaat nr 20, 26 juni 2017-imeersoq.
- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-meersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaaq, 07.09.22:

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaaq, 22.09.22:

Ilisimatitsissut tusaatissatut tiguneqarpoq.

Ilanngussat

1. Kommuneqarfik Sermersuumi innersuussinermut ataatsimiititamut innersuussinermillu ingerlatsinermut najoqqutassanik nassuiaammut utaqqiisaasumik siunnersuut

Punkt 4: Inuusaq atorlugu suliniut - kinguaassiutitigut peqqissuunissaq

Beslutning

Inassuteqaat akuersissutigineqarpoq.

Bilag

Naalagaaffimmit tapiissutinut isumaqatigiissummi 2022-mi sammisat ataasiakkaat pillugit allakkiaq (danskisut)



Inuusaq atorlugu suliniut - kinguaassiuutitigut peqqissuunissaq

Inuusaq atorlugu suliniutip Paarisamit Kommuneqarfik Sermersuumut tunniunneqarnissaa

Aalajangiiffigisassaq

SagsID: EMN-2022-04833

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- aningaasat pillugit inatsimmi aningaasat immikkoortinneqartut kommunimut tunniussinermi ilaatinneqarnissaat pillugu Kommunalbestyrelsi Namminersorlutik Oqartussanut noqqaassuteqassasoq akuersissutigineqassasoq

Suliassamik saqqummiussineq

Isumaginninnermut Aqutsisoqarfiup ataaniittoq Paarisap 9. klassinut kinguaassiuutitigut suliniutaa "Inuusaq atorlugu suliniut" Kommuneqarfik Sermersuumut tunniunneqarnissaa kissaatigaa.

Paarisamit Kommuneqarfik Sermersuumi ukioq atuariusoq 2022/2023-mi siunissamilu atuartsinissamik neqeroorniarnatik nalunaarput.

Inuusaq atorlugu suliniut Nuna tamakkerlugu suliniutaavoq Namminersorlutik Oqartussanit aningaasaliiffigineqartartoq, taannalu Nuummi 2007-imi meeqqat atuarianni angajullernut atuartsinertut aallartinneqarpoq. Inuusaq atorlugu suliniut suli 2022-mi aningaasaqarnermut inatsimmi ilaavoq.

Suliniut 2007-imiit ineriartortinneqarpoq ullumikkullu kommuninut amerlanernut imaluunniit najukkami peqqinnissaqarfimmuot siammarterneqarsimavoq aqunneqarlunilu. Aaqqissuussaq kommunimit kommunimut assigiinngitsumik atorneqartarpoq, sumiiffiilli amerlanerit, Paarisa naapertorlugu, kommunini pitsaaliuinnermut siunnersortit imaluunniit atuarianni ilinniartitsisut Inuusaq atorlugu suliniummik atuartsisarpur. Sumiiffiit ilaanni atuartsisineq pillugu peqqissaasunik isumaqatigiissusiortoqartarpoq.

Suliniut Nuummi aallarteqqaarmat Paarisa suli Nuummi inuusaq atorlugu suliniummik kiisalu kinguaassiuutitigut peqqissuuneq pillugu atuartsinermik ingerlatsisarpoq. Illoqarfiit pingaarnersaanni Paarisami atuartsisussanik marlunnik suliniutillu ingerlannerata saniatigut allanik suliniutinik ingerlatsisussanik atorfinitsitsisoqarsimavoq. Paarisa Nuummiinnaq suliaq tamanna tigummimmagu Paarisap suliaq Kommuneqarfik Sermersuumut tunniukkusuppaa.

Paarisap atuartsinermut atortut, inuusat atortorissaarutillu Kommuneqarfik Sermersuumut tunniukkusuppai. Paarisamit Inuusaq atorlugu suliniutip ingerlanneqarneranik tunniunneqarneratigut Kommuneqarfik Sermersuup nammineq Inuusaq pillugu suliniummik siunissami ingerlatsinissaq nammineq aningaasaliiffigisalissagaa nalunaarutigineqarpoq.

Inuusaq atorlugu suliniut pillugu

Inuusaq atorlugu suliniummi inuusuttut angajoqqaajunermut, naartunaveersaatinut, naartuersittarnermut, nappaatit kinguaassiuutitigut tuniluuttartut, inuttut killigitat kinguaassiuutinullu tunngasunik ilisimasanik iliuuseqalersitsisinnaasunillu tunineqarnissaa kissaatigineqarpoq.

Inuusaq atorlugu suliniummi inuusat elektroniskimik piviusuusaartitat atorneqartarput (Realcare-dukke). Inuusaq Realcare-dukke naalungiarsuittut pissusilersortarpoq. Meeqqat atuarianni atuartut timitalerlugu angajoqqaajuneq qanoq isumaqarnerisooq malugigaangamikku meerartaarnissamut



pilersaarusiornissaq qanoq pingaaruteqartiginersoq ilisimanerulertarpaat. Tamanna tungavigalugu atuartut tamatuma kingorna kinguaassiuutit pillugit atuartitsinermut, ingerlatsinerup ilaatut ingerlanneqartumut, malinnaanissaminnut kajuminnerulernissaat naatsorsuutigineqarpoq.

Inuusaq atorlugu suliniummi kinguaassiuutit pillugit atuartitsineq kiisalu aappariinnermut, missingersuusiornermut ilinniartitsineq kiisalu siunissamut takorluukkat ilaatinneqartarput. Atuartitsineq 9. klassinut ulluni pingasuni ingerlanneqartarpoq. Atuartitsinissaq sioqqullugu angajoqqaat ataatsimiitinneqarnissaanut, paasitinneqarniassammata atuartitsinermillu tapersersuiniassammatalu, angajoqqaat aggersarneqartarput.

Tamatuma saniatigut 8. klassimi atuartut ullormik ataatsimik sivilissusilimmik kinguaassiuutit pillugit atuartinneqartarput.

Ingerlatsiviup naliliinera:

Meeqqanut Atuarfeqarnermullu Ingerlatsivimmit kinguaassiuutitigut peqqissuunissaq pingaartinneqarnissaa isumaqataaffigineqarpoq, atuartunullu angajullernut kinguaassiuutit pillugit atuartitsineq kiisalu inuusaq atorlugu suliniut tapersersorneqarusulluni. Ingerlatsivimmiilli Paarisamit aningaasaqarnermut inatsisitigut suliassaq pituttorsimasoq ingerlatsinermut aningaasaliissutit ilanngunnagit tunniunneqarnissaanik kissaateqarneq nangaanartoqartutut nalilerneqarpoq.

Tunniussisoqaratarnissaa pillugu oqaloqatiginninnermut atatillugu Meeqqanut Atuarfeqarnermullu Ingerlatsivimmit Inuusaq atorlugu suliniutip naliliiffigineqarsimanera apeqquteqaatigineqarpoq. Paarisa Statens Institut for Folkesundhed-imik suleqatiginninnissamik isumaqatigiissusiorsimavoq, tassanngaanniillu suliniut 2022-mi nalilerneqarpoq. Taamaattorli inaarutaasumik nalunaarussiaq suli suliarineqarpoq.

Suliniut Kommuneqarfik Sermersuumit tiguneqassagaluarpat Paamiut, Tasiilaq Ittoqqortoormiillu ilanngunneqartariaqarput, taakkunani maannakkut inuusaq atorlugu suliniut atuartitsissutigineqarneq ajorpoq.

Inuusaq atorlugu suliniummi suliassat:

- 9. klassimi 8. klassimilu atuartunut atuartitsinissamut piareersarneq.
- Angajoqqaat ataatsimiitinnissaannut piareersarneq aamma/imaluunniit angajoqqaanut allakkatigut ilisimatitsisarneq.
- Inuusanik piareersaaneq nassiussuinerlu (atisat errorsisarfimmut, immersornerannut, atuarfinnut nassiussuineq).
- Nuummi, Tasiilami, Paamiuni Ittoqqortoormiinilu 9. klassinut ulluni pingasuni atuartitsineq + klassini tamani (klassit 15-it) ulloq ataaseq angajoqqaanik ataatsimiititsineq. Ullut suliffiusut 60-it, piareersarnerit angalanerillu minillugit.
- Nuummi, Tasiilami, Paamiuni Ittoqqortoormiinilu 8. klassinut ulloq ataaseq atuartitsineq. Ullut 13-it, piareersarnerit angalanerillu minillugit.
- Inuusanut immikkut atortunik atuartunullu tajanik chipitalinnik pisineq.
- Ukiumoortumik sammisassaqartitsinermut tunngatillugu atuarfinni pisortanik suleqateqarluni pilersaarusiorneq.

Ingerlatsivimmit aningaasatigut sulisoqarnikkullu naliliinerit

Inuusaq atorlugu suliniummut aningaasat maanna ingerlatsiviup missingersuutaani ilaangillat. Inuusaq atorlugu suliniut tunniunneqarnissaa Kommunalbestyrelsimit akuerineqassappat 2023-mut missingersuutit pillugit isumaqatiginninniarnermut ilanngunneqartariaqassapput.



Meeqqanut Atuarfeqarnermullu Ingerlatsivimmit ukioq tunniussiffimmi ukioq missingersuusiorfiusumi 2.297.558 koruunit ukiunilu missingersuusiorfinni 1.252.758 koruunit pisariaqartinneqassasut nalilerneqarpoq.

Suliniut ukioq atuarfiusoq 2022-2023-mi Kommuneqarfik Sermersuumi 8. klassinut atuartunut 13-inut aamma 9. klassinut 15-inut attuumassuteqassaaq.

Inuusaq atorlugu suliniummut tunngatillugu aningaasaqarneq.	Oqaaseqaatit	Ukiumut aningaasartuutissat missiliutit
Akissaatinut aningaasaliissutit	Kommunimi 8. klassinik 9. klassinillu tamanik atuartitsisussanik sulisunik/atuartitsisussanik marlunnik atorfinitsisinnermut.	430.000 kr. x sulisut marluk Katillugit: 860.000 kr.
Sulisut/atuartitsisut ilinniarnert piginnaanngorsarnerallu kiisalu atuartitsinnermut paasissutissat	Sulisut inuusat atorlugit atuartitsinissamut aamma kinguaassiutit pillugit atuartitsisarnermut pikkorissarnissamut neqeroorfigineqassapput.	100.000 koruunit ukioq tunniussivimmi. 25.000 ukiuni missingersuusiorfinni.
Nuup avataanut illoqarfinnut angalanernut aningaasartuutit	Sulisut marluk ukununga Ittoqqortoormiit, Tasiilaq aamma Paamiut. Timmisartumut billett aamma akunnittarfimmiinneq ullormusiassallu. Sumiiffinni immikkut ulluni sisamani atuartitsinerit. Angalaneq ilanngullugu katillugit ullut qulit naatsorsorneqarput: Ullormusiat ullut qulit 5.000 miss. x sumiiffiit pingasut = 15.000 kr. x 2 sulisut = 30.000 kr. Sumiiffinnut pingasunut timmisartukkut billett 10.000 kr. x 3 illoqarfiit x sulisut marluk =60.000 kr. Akunnittarfik 1.000 kr. ullut unnuallu qulit x sumiiffiit pingasut x inuit marluk 60.000 kr.	Timmisartumut, akunnittarfimmut ullormusiassanullu katillugit = 150.000 kr.
Inuusanik nutaanik pisineq	Tasiilamut, Ittoqqortoormiinnut Paamiunullu inuusat (klassimut 26-nik atuartulinnut atuartumut ataatsimut inuusaq ataaseq) Inuusaq ataaseq 9.325 koruuneqarpoq.	4 x 9. klassit. Katillugit: 969.800 kr.
Errorsineq	Inuusanut atisat, nangit, ujamiutit atornerit tamaasa	30.758 kr.



	erroneqartassapput. Kiilumut 26 kr. Inuusaq ataaseq 3,5 kiilumik oqimaassuseqarpoq.	
Atortut	Usuup puui, tajaq chipitalik	3.000 kr.
Naatsorsuutiginnngisamik aningaasartuutit	Atortut aserorpata.	500 koruunit atuartumut ataatsimut. Katillugit: 169.000 kr.
Inuusat nassiunneri	Atuarfiit akornanni kiisalu iluarsaassinermut atatillugu. 3,5 kiilumik oqimaassuseqarput. Inuusat katillugit 338-t akornanni 15%-it (inuusat 50-it) ukiumut iluarsartuunneqartassasut allamilluunniit peqquteqartumik nassiunneqartassasut naatsorsuutigaarput. Inuusaq ataaseq nassiunneranut 300 koruunit miss.	Inuusat 50-it x 300 koruunit. = 15.000 kr.
2023-mi katillugit (ukioq tunniussivimmi)	Naatsorsuineq ukioq missingersuusiorfimmumut 2023-mut tunngavoq.	2.297.558 kr.
Katillugit ukiumut missingersuutit (ukioq tunniussiffiup kingorna)	2024-mit inuusat pisiarinqarnissaanut aningaasartuuteqartoqassanngilaq.	1.252.758 kr.

Suliffeqarfimmumut Kiffartuussivimmit aningaasatigut naliliineq

Suliffeqarfimmumut Kiffartuussivimmit tunngavimmik DUT-imik (annertusisamik tamakkiisumik oqimaatigiiitoqarnissaanut tunngavik) akertiusumik tunniussinermut tunngasuusoq maluginiarneqarpoq. Namminersorlutik Oqartussat suliniummumut maanna aningaasaliissutaasimasut tunniuttussaavaat.

Inuusaq atorlugu suliniut aamma MANU pillugit 2022-mut Aningaasanut inatsisip qallunaatuani qupp. 310-mi ima allaqqavoq:

"Suliniutit marluk angajoqqaajulluarnissamut kissaatiginnngisamillu naartulertarnerup pinaveersaartinneqarnissaanut sammitinneqarput. Inuusaq atorlugu suliniutikkut inuusuttut namminneerlutik angajoqqaatut misiginissaat kiisalu kinguaassiuutitigut peqqissumik inuuneqarnerup ilisimasaqarfiginerulernissaa siunertarinqarpoq. Sullinniakkat angajoqqaajulluarnissaat MANU-p siunertaasa ilagaat."

Aammattaaq 2022-mut Aningaasanut inatsimmi qallunaatuani qupp. 312-imi tabelimi takuneqarsinnaavoq inuusaq pillugu suliniut aamma MANU pillugit 4.541 t.kr.-inik aamma BO2023-mut 4,5 mio. kr.-inik immikkoortitsisoqarsimasoq.

Inatsisitigut tunngavissaq allakkallu tunngaviummik uppersaatitalit

- 2022-mut aningaasaqarnermut inatsit - Inatsisartut. - 30.10.48 Isumaginnikkut peqqissutsikkullu pinaveersaartitsineq
- Inuuneritta III - 2020-2030 meeqqat inuunerinnissaat pillugu suleqatigiinnissamut Naalakkersuisut periusissiaat

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 07.09.22:

Inassuteqaat itigartitsissutigineqarpoq, imatut oqaaseqaatitalerlugu:



Namminersorlutik Oqartussat inuusaq atorlugu suliniut tunniutissappassuk ataatsimiititaliamiit kissaatigineqarpoq aningaasanut inatsisissami aningaasat suliniummut illikartinneqarsimasut kommunimut tunniunneqassasut.

Aningaasaqarnermut Inuussutissarsiornermullu Ataatsimiititaq, 22.09.22:

Aningaasaqarnermut Inuussutissarsiornermullu Ataatsimiititaq Meeqqanut Atuarfeqarnermullu Ataatsimiititaq aalajangenera isumaqatigaa, suliarlu Kommunalbestyrelsimut aningaasat pillugit inatsimmi aningaasat immikkoortinneqartut kommunimut tunniussinermi ilaatinneqarnissaat pillugu Namminersorlutik Oqartussanut saaffiginnittoqarnissaa siunertaralugu ingerlateqqillugu.

Ilanngussat

1. Naalagaaffimmit tapiissutinut isumaqatigiisummi 2022-mi sammisat ataasiakkaat pillugit allakkiaq (danskisut)

Punkt 5: Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq

Beslutning

Inassuteqaat akuersissutigineqarpoq.



Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq

Aalajangiiffigisassaq

SagsID: EMN-2022-05247

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissami ilusissaatut aallaaviusussamik misissueqqaarnerup suliarineqarnera akuersissutigineqassasoq

Suliassamik saqqummiussineq

Kommuneqarfik Sermersuumi Inuit Ataqtigiit aamma Naleraq suleqatigiinnissamut isumaqatigiissutaanni allaqqavoq, Kommuneqarfik Sermersuumi meeqqat atuariini atuartut tamaasa inuusuttut ilinniagaqalernissaannut piginnaangorsassallugit, aammattaaq atuartut inuttut ilikkagassatigullu piginnaangorsassallugit, imminnut tatigalutik pisariaqartumillu ilorlikkut nakuussuseqarlutik siunissaminnik naapitsisinnaaqqullugit, nunarsuarmioqataalluni inuuneq nutaaliaasoq pissuseqarfigisinnaallugu. Aamma kommunimi suliffeqarfiit suleqatigineqarnerulernissaat siunnersuutigineqarpoq, atuarfimmi skemami assassorluni piginnaasat amerlanerit, suliffeqarfinni sungiusarnerit amerlanerit aammalu suliffeqarfiit sungiusarfissat amerlanerit kiisalu suliffeqarfiit toqqaannartumik atuarfinni najuuttoqarnissaat. Kiisalu atuartut atuariatormaneeq ajortut neqerooruteqarfigineqartalissapput.

Oktobari 2021-mi Meeqqanut Atuarfeqarnermullu Ataatsimiititaq angalavoq, taamanikkullu Aalborg Kommuneani 10. erhvervsklasse UAX EUD10 ilaatigut ataatsimiititamit pulaarneqarpoq. Tamanna tunngavigalugu Meeqqanut Atuarfeqarnermullu Ingerlatsiviup Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissamut periarfissanik misissuineq aallartisalerpaa.

Inuussutissarsiutit tunngavigalugit atuaqatigiit meeqqat atuarianni angajullernut immikkut ittumik ilisimasaqarluni anguniagalimmik neqeroorutit nassuiarneqarsinnaavoq, ukioq atuariusoq tamaat siviutigisinnaallunilu piffissani sivikinnerusuni atuussinnaasoq. Atuartitseriaaseq aammalu perorsaanikkut pissarsiat pineqarput, atuagarsorneq aamma sulineq kiisalu suliffimmi sungiusarneeq annertuumik akuleriissillugit pingaartinneqarlutik. Inuussutissarsiutit tunngavigalugit atuaqatigiinni atuartut naliginnaasumik fagini arlalinnik sakkortusisamik qangatoortumillu atuarinneqartarput, tamakkulu kingornagut misilitsissutigineqartarput. Taakkununga ilanngullugu atuartut assassorlutik piginnaasatik, angusatik sulinertillu pillugit pitsaanerusumik uppersaatissarsisarput, inuussutissarsiutit tunngavigalugit atuaqatigiinni aammalu suliffeqarfinni sungiusarnerminni pissarsiarisimasaminnik.

Atuaqatigiit tassaasinnaapput atuartut, assassornermik pikkoriffeqartorujussuit, taamaattumillu atuarnerminni atuartitaanerminnilu assassornermut tunngasunik annertunerusumik pissarsitinneqarnissaminnik pisariaqartitsisut. Aamma imaassinnaavoq atuartut meeqqat atuarianni qangatoortumi assigiinngitsunik peqquteqarlutik ingerlalluanngitsut, atuarumaneq



ajortut imaluunniit arlaatigut peqquteqartumik assassornermut tunngasunik atuartinneqarnissaminnik atuilluarsinnaanerusut. Inuussutissarsiutit tunngavigalugit atuaqatigiinni atuarnermi atuartut ataasiakkaat imminnut tatiginerat piumassuseqarnerallu aammalu atuagarsornikkut assassornikkullu piginnaasaat pitsanngorsarneqarsinnaapput. Tassunga ilanngunneqassaaq aamma atuartut ataasiakkaat inuusuttunut ilinniarfimmi ilinnialernissaannut imaluunniit atuarfimit taamaateerernerminni suliffeqalernissaannut periarfissagissaarnerulersinneqarsinnaammata.

Tamanna pillugu kommunimi atuarfiit aqutsisuinik ataatsimeeqateqareernermi, atuarfiit aqutsisuisa oqaatigaat, kommunimi inuussutissarsiutit tunngavigalugit atuaqatigiinnik pilersitsinissamik pisariaqartitsisoqaqalunilu kissaateqartoqartoq. Kommunimi meeqqat atuarfiini sionatigut aaqqissuussinernut assingusunik ingerlatsisoqarnikuuvoq, pingaartumik Atuarfik Ukaliusaq aamma Tasilami Alivarpi, taakkuli assigiinngitsunik peqquteqartunik atorunnaarnikuupput. Inuussutissarsiutit tunngavigalugit atuaqatigiit Kalaallit Nunaanni Danmarkimilu kommunini allani aamma ilisimaneqarput.

Kommuneqarfik Sermersuumi inuussutissarsiutit tunngavigalugit atuaqatigiinnik ataatsimik arlalinnilluunniit pilersitsiniaraanni, Meeqqanut Atuarfeqarnermullu Ingerlatsivik erseqqissaasariaqarpoq, inuussutissarsiutit tunngavigalugit atuaqatigiit qanoq ilusilersorneqassanersut.

Assersuutigalugu erseqqissaatigineqassaaq, atuarfik pillugu inatsisip atuuttup iluani aaqqissuussineq qanoq inissaqartinneqassanersoq, imaluunniit misiligutitut aaqqissuussiffigineqarnissaa qinnuteqaatigineqassanersoq. Pisariaqartoq alla tassaavoq, suliniummi soqutigisallit arlallit peqatiginissaannut suleqatiginissaannullu pisussaaffilimmik isumaqatigiissuteqartoqarnissaa, tassunga ilanngullugu pingaartumik suliffeqarfinnik suliatigullu ilinniarfeqarfinnik. Tassunga ilanngullugu assersuutigalugu nalilersorneqassaaq, Nuummi atuarfittaassami inuussutissarsiutit tunngavigalugit atuaqatigeeqarnissamut naammattumik inissaqarnerasoq, imaluunniit allarluinnarmi inissinneqassanersut.

Tamanna tunngavigalugu ingerlatsiviup naatsorsuutigaa misissueqqaarnermik aallartitsisoqassasoq, tassanilu pingaarnertut immikkoortut tulliuttut erseqqissaassutigineqassasut:

- 1) Nunanit allanit isumassarsisarnerit
- 2) Inatsisitigut tunngavigineqartut
- 3) Suleqatit
- 4) Sullinneqartut
- 5) Sumiiffissaa atortussaalu
- 6) Sulisunik pisariaqartitsineq
- 7) Suliap imarisai
- 8) Aaqqissuussaaneq
- 9) Aningaasaqarneq

Ingerlatsiviup naatsorsuutigaa, Kommuneqarfik Sermersuumi inuussutissarsiutit tunngavigalugit atuaqatigiilliornissamut misissueqqaarnermi angusat inaarutaasumillu ilusiliineq 2023-mi marsip naalernerani saqqummiunneqarsinnaassasoq.

Ingerlatsivimmit aningaasatigut sulisoqarnikkullu naliliinerit



Ingerlatsiviup nalilerpaa, inuussutissarsiutit tunngavigalugit atuaqatigiiliornissamut misissueqqaarnerup naammassineqarnissaa ilusilersorneqarnissaalu ingerlatsiviup missingersuutaasa iluini ingerlanneqarsinnaassasoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Inuit Ataqatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarianni immikkut atuartitsineq ikiorsiisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr 2, 9 januar 2009-meersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 07.09.22:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 22.09.22:

Inassuteqaat akuersissutigineqarpoq.

Ilanngussat

Soqanngilaq.

Punkt 6: Tapiissuteqartarnermut malittarisassanut nutaanut siunnersuut

Beslutning

Inassuteqaat akuersissutigineqarpoq imatut ilassuteqaatitalerlugu: Tapiissuteqartarnermut malittarisassat 2023-miit atuutilissapput.

Bilag

Tapiissuteqartarnermut malittarisassanik nutaanik nassuiaat

Massakkut aningaasat agguataarneqarneri, ilaasortat amerlassusaat peqatigiiffiillu missingersuutaat

Tapiissuteqartarnermut malittarisassat massakkut atuuttut



Tapiissuteqartarnermut malittarisassanut nutaanut siunnersuut

Tapiissutit pitsaanerit peqatigiiffinnik pitsaanerik naligiinnerulernermillu pilersitsissapput.

Aalajangiiffigisassaq

SagsID: EMN-2022-05421

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat:

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- tapiissuteqartarnermut malittarisassanik allannguinnissaq akuerineqassasoq

Suliassamik saqqummiussineq

2019-imi tapiissuteqartarnermut malittarisassat nutaat 2021-p tungaanut misiliiiffimmik piffissaliussilluni akuersissutigineqarput. Piffissami misiliiiffiusumi susassaqtitsinermik immikkoortortap tapiissuteqartarnermut malittarisassat atuutsinneqalersut peqatigiiffinnut pitsaanerpaajungitsut paasivaat. Piffissami misiliiiffiusumi peqatigiiffinnit arlalinnit, tapiissuteqartarnermut malittarisassat tungaasigut ajornartorsiuteqarneq, taakkulu pillugit allannguuteqartitsisoqarnissaanut kissaateqarneq pillugu saaffiginnissuteqartoqareersoq, tapiissuteqartarnermut malittarisassat ilanngussaq 1-imi nassuiarneqartunut allanngortinneqarnissaat siunnersuutigineqarpoq. Ilangussaq 1, GIF-imi siunnersuineq piffissamilu misiliiiffiusumi misilittakkat tunngavigalugit suliarineqarpoq. Peqatigiiffiit piffissami misiliiiffiusumi saaffiginnissutiginerpaasaat tassaavoq, peqatigiiffiit isumaqarmata naligiingitsumik agguataarinerusoq, peqatigiiffinni ilaasortat amerlassusaat aallaavigalugu peqatigiiffiit ilaat allanit amerlanerusunik tapiiffigineqartarmata. Tassani assersuutigineqarsinnaavoq peqatigiiffik angisooq X 63.000 kr.-nik pissarsisartoq 250-inillu ilaasortaqluni kiisalu peqatigiiffik minneq 62.000 kr.-nik pissarsisartoq 50-inillu ilaasortaqluni. Aningaasat agguataarneqarnerinik sukumiinerusumik ersarissaaneq ilanngussaq 2-mi takuneqarsinnaavoq.

Taamaattumik Meeqqanut Atuarfeqarnermullu Ingerlatsiviup tapiissuteqartarnermut malittarisassat piffissami misiliiiffiusumi misilittagarilikkat tunngavigalugit naleqqussarneqassasut.

Tapiissuteqartarnermut malittarisassani aningaasaatit 1-imut allannguutissatut siunnersuut:

Tapiissuteqartarnermut malittarisassat ilanngussaq 1-imi nassuiarneqartutut atuutsinneqalissasut, aningaasaatit 1-i tapiissutinut pingasunut assigiinngitsunut avinneqarlutik; ingerlatsinermut tapiissut, ilaasortanut tapiissut kiisalu angalanernut tapiissut. Takussutissiami Nuuk aallaavigalugu aningaasat qanoq agguataarneqassanersut takuneqarsinnaavoq. Takussutissiaq massakkut peqatigiiffiit amerlassusaat, peqatigiiffinni ilaasortat aningaasallu Nuummi peqatigiiffinnut immikkoortitat aallaavigalugit naatsorsorneqarpoq, taakkulu allanngorpata allannguuteqassalluni.

Ingerlatsinermut tapiissut (1,7 mio. kr.-nit 10%-ii)	170.000 kr.	Peqatigiiffimmuut ataatsimut 4.146 kr.-nit (peqatigiiffiit nalunaarsukkat 41-t)
Ilaasortanut tapiissutit (1,7 mio. kr.-nit 15%-ii)	255.000 kr.	Ilaasortamut ataatsimut 85 kr.-nit (ilaasortat 3.000-it)
Angalanissanut aningaasaatit (1,7 mio. kr.-nit 75%-ii)	1.275.000 kr.	Billetit 375-it (3.400 kr.-nik akillit)

Siunnersuut una aningaasartuutitaqassanngilaq. Peqatigiiffinnut atugassarititat kommuninut allanut sanilliullugit pitsanngorsarneqassappata aamma/imaluunniit assigiimmik ingerlanneqassappata,



periarfissat marluk allat sulissutigineqarsinnaapput, taakkuli pissappata peqatigiiffinnut amerlanerusunik aningaasaliinissaq pisariaqassaaq.

Tapiissuteqariaatsimut allamut siunnersuut 1:

Peqatigiiffiit aningaasanik amigaateqarnertik pillugu saaffiginnissutaasigut kiisalu ukiumut missingersuutit nassiuttagaat (ilangussaaq 2 takuuk) aallaavigalugit, peqatigiiffinnut aningaasanik immikkoortitsisarneq naammanngitsoq misilittagarineqarpoq, tamannalu ingerlalluarnissaannut akornutaasarpog. Taamaattumik ingerlatsiviup peqatigiiffinnut tapiissutit ass. 5 mio. kr.-nut amerlineqarnissaat siunnersuutigaa. Takussutissiaq qulaaniittutut Nuummi aallaaveqarpoq.

Ingerlatsinermut tapiissutit (5 mio. kr.-nit 10%-ii)	500.000 kr.	Peqatigiiffimmut ataatsimut 12.195 kr.-nit (peqatigiiffiit nalunaarsukkat 41-t)
Ilaasortanut tapiissutit (5 mio. kr.-nit 15%-ii)	750.000 kr.	Ilaasortamut ataatsimut 250 kr.-nit (ilaasortat 3.000-it)
Angalanissanut aningaasaatit (5 mio. kr.-nit 75%-ii)	3.750.000 kr.	Billetit 937-t (4.000 kr.-nik akillit)

Peqatigiiffiit missingersuutaannik naatsorsuinerit aallaavigalugit periarfissanut allattorsimaffiup taamaattup peqatigiiffinnut aningaasartuutissat amerlanersaat eqquutsissavai.

Tapiissuteqariaatsimut allamut siunnersuut 2:

Nunatsinni sunngiffimmi siunnersortit allat siunnersuuffigereerini Kalaallit Nunaanni kommunini allani tapiissuteqartarnermut aaqqissuussinerit 100%-iusut atuutilersimasut paasineqarpoq. Tamanna Kommuneqarfik Sermersuumi atuutilissagaluarpat, peqatigiiffiit missingersuutaannik naatsorsuinerit aallaavigalugit, tamanna massakut 9 mio. kr.-nik piumasaaqateqarfiussagaluarpoq. Periarfissanut allattorsimaffimmi taamaattumi, aningaasat immikkoortinneqarnikut pioreersut (750.000 kr.-nit), sunngiffimmi allagartamut meeqqanut ilaqutariinnit pissakinnerusuneersunut aningaasartuutit matussuserniarlugit atuutilersinneqartumeersut atorlugit Meeqqanut Atuarfeqarnermullu Ingerlatsivik tapersiisinnaavoq. Siunnersuut akuerineqassappat, sunngiffimmi allagartaq pisariaqartinneqarunnaassaaq.

Ingerlatsivimmit aningaasatigut sulisoqarnikkullu naliliinerit

Tapiissuteqartarnermut malittarisassat nutaat akuerineqarnissaat aningaasaqarnikkut kinguneqartitsissangilaq.

Tapiissuteqariaatsit allat sulissutigineqarnissaat ingerlateqqikkusunneqarpat, periarfissanut allattorsimaffiortoqartariaqassaaq.

Suliffeqarfirmut Kiffartuussivimmit aningaasatigut naliliineq

Agguaassineri pingaarnertut najoqqutassamut aningaasatigut kinguneqassangilaq, aningaasaliissutit amerlineqarnissaat naatsorsuutigineqartillugu. Tapiissutit ukiut tamaasa isumaqatiginninniutigineqartassapput, peqatigiiffimmut ilaasortat allattorsimaffiata pissarsiarineratigut aammalu paasissutissat aammalu tapiissutit amerlassusissannut tunngatillugu pisariaqartinneqartut pissarsiarinerisigut.

Tapiissuteqariaatsit marluk ilaat ataaseq ingerlateqqinneqartussatut kissaatigineqarpat, taakkua pillugit immikkut aningaasatigut nalilersuisoqassaaq.

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 07.09.22:

Inassuteqaat akuersissutigineqarpoq, imatut oqaaseqaatitalerlugu:



Aningaasanut siunnersuutissat oqallisigineqalerpata kissaatigineqarpoq Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi qaqinneqassasut.

Aningaasaqarnermut Inuussutissarsiornermullu Ataatsimiititaq, 22.09.22:
Inassuteqaat akuersissutigineqarpoq.

Ilanngussat

1. Tapiissuteqartarnermut malittarisassanik nutaanik nassuiaat
2. Massakkut aningaasat agguataarneqarneri, ilaasortat amerlassusaat peqatigiiffiillu missingersuutaat
3. Tapiissuteqartarnermut malittarisassat massakkut atuuttut

Punkt 7: Suliffeqarneq pillugu politikki 2023-2033

Beslutning

Inassuteqaat akuersissutigineqarpoq.

Bilag

Suliffeqarneq pillugu politikki 2023-2033

IA-p Naleqqallu akornanni suleqatigiinnissamut isumaqatigiissut 2022-2025

Suliffeqarneq pillugu politikki 2023-2033

Aalajangiiffigisassaq

SagsID: EMN-2021-11120

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Aningaasaqarnermut Inuusutissarsiornermullu Ataatsimiititamit Kommunalbestyrelsimut inassuteqaatigineqarpoq:

- Suliffeqarneq pillugu politikki akuerineqassasoq
- qulequttap Suliffeqarnermut politikki-mut allangortinneqarnissaa akuerineqassasoq

Suliassamik saqqummiussineq

Kommuneqarfik Sermersuumi isumaqatigiissuteqartut suleqatigiinnissamut isumaqatigiissut 2022-2025-mi aamma missingersuutit pillugit isumaqatigiissut 2021-mi suliffeqarneq pillugu politikkilliortoqassasoq akuersissutigaa. Politikki ukiuni tulluuttuni suliffeqarnermut tunngatillugu suliniutissat ersarissamik paasiuminartumillu sammivissaat aalajangersarneqarput.

Suliffeqarnermut Isumaginninnermullu Ingerlatsiviup 2021-mi suliffeqarneq pillugu politikkimik suliaqarneq aallartippaa. Suliaqarnerup ilaatut Suliffeqarnermut Isumaginninnermullu Ataatsimiititami kommunalbestyrelsimilu immikkut ittumik sammisaqartitsisoqarpoq. Tamatuma saniatigut inuusutissarsiortunit allaffeqarfimmillu saqqummiisoqarluni isumasiortitsisoqarlunilu workshopertoqaroq, tassanilu suliffeqarnermut suliassaqarfimmi soqutiginnittut politikkimut isumassarsiaminnit tunniussinissamut periarfissinneqarput.

Suliffeqarneq pillugu politikikkut innuttaasut amerlanerpaat sulilersinniarneqarnissaat ilinniagaqalernissaalluunniit taamalu imminnut pilersulernissaat kiisalu suliffeqarfiit sulisut pisariaqartitaat pissarsiarineqarsinnaalernissaat anguniagaavoq. Pingaarnertut immikkoortuni tulluuttuni suliniuteqarfiusussat tassaassapput:

- piginnaangorsaaqqinneq piginnaasanillu ineriartortitsineq
- suliffeqarfiit inissaqartitsisut
- Inuusuttut suliffissaaleqisut
- Sulisartut avataaneersut

Suliffeqarnermut Isumaginninnermullu Ingerlatsivimmit Suliffeqarneq pillugu politikki tunngavigalugu qanoq politikki anguniagassat takorluukkallu sulinermi piviusunnngortinneqarsinnaanerani pilersaarusiortoqassaaq.

Ingerlatsivimmit aningaasatigut sulisoqarnikkullu naliliinerit

Suliffeqarfik ingerlalluortoq Kommuneqarfik Sermersuumiinaanngitsoq aammali Kalaallit Nunaanni inuiaqatigiit sulii siuariartornissaanut atugarissaarneranullu tunngaviuvoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- 2021-mut missingersuutitut isumaqatigiissut
- Inuit Ataqaatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat



Siusinnerusukkut aalajangiinerit

Suliffeqarnermut Isumaginninnermullu Ataatsimiititaq, 13.09.22:

Inassuteqaat akuersissutigineqarpoq, imatut oqaaseqaatitalerlugu:
Qulequtaa beskæftigelsespolitikkimut allangortinneqarnissaa kissaatigineqarpoq.

Aningaasaqarnermut Inuussutissarsiornermullu Ataatsimiititaq, 22.09.22:

Inassuteqaat akuersissutigineqarpoq.

Ilanngussat

1. Suliffeqarneq pillugu politikki 2023-2033
2. IA-p Naleqqallu akornanni suleqatigiinnissamut isumaqatigiissut 2022-2025

Punkt 8: Kommunimut pilersaarummut tapiliussap 3A8-4 Iiminaq, Nuuk inaarutaasumik akuersissutigineqarnera

Beslutning

Inassuteqaat amerlanerussuteqartut (IA aamma N) akuersissutigaat.

Inassuteqaat ikinnerussuteqartut (S aamma D) itigartitsissutigaat.

Bilag

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 3A8-4 Iiminaq, Nuuk

Kommunimut pilersaarummut tapiliussap 3A8-4 liminaq, Nuuk inaarutaasumik akuersissutigineqarnera

Aalajangiiffigisassaq

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- kommunimut pilersaarummut tapiliussaq 3A8-4 liminaq akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppaa. Kommunimut pilersaarummut tapiliussaq 3A8-4 liminaq, Nuuk siunnersuutitut nutaamik sapaatip akunnerini arfinilinni tamanut tusarniaassutigineqarpoq piffissami juunip aallaqqaataaniit juulip 13-iata 2022-p tungaanut. Nutaamik tusarniaatitsineq pivoq Kommunalbestyrelsip 22. februaari 2022-mi tamanna aalajangermagu. Taamanikkut amerlanerussuteqartunit kommunimut pilersaarummut tapiliussaq akuersissutigineqarpoq, inissianut sanaartorfissat arfinillit pinnagit.

Ingerlatsivimmit allannguutit annertuutut nalilerneqarput, taamaattumillu pilersaarusionermut inatsimmi (Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq) §24 imm. 2 malillugu pilersaarut sapaatip-akunnerini arfinilinni nutaamik tamanut tusarniaassutigineqarpoq.

Nutaamik tusarniaassutiginerani tusarniummut akissutit sisamat tiguneqarput, taakkulu oqaaseqatigiinnik annikitsunik allannguuteqartitsineramik kinguneqarput.

Kommunimut pilersaarummut tapiliussami aalajangersarneqarpoq, immikkoortup ilaani 3A8 inissialorfissatut atugassanngortinneqartoq (A). Kommunimut pilersaarummut tapiliussami siunertaavoq, sanaartukkat aaqqissugaanerat attatiinnarneqarnissaa, suli ataqatigiissaarluarnerunissaa assigiissaarneqarnissaallu kiisalu inissiaqarfiup ineriartortinneqarnerata attanneqarsinnaasuunissaanut pilersaarusionermi tunngavissaqarnissaa.

Kommunimut pilersaarummut tapiliussami immikkoortup ilaata 3A8-p allineqarnissaa ilaavoq aammalu sanaartorfissamik ataatsimik ilaqutariinnut ataatsinut illuliorfissamik imaluunniit najugaqatigiiffiornissamat immikkoortitsiffiulluni peqatigitillugulu inissiat uiguleriaat pioreersut allineqarsinnaanerinut periarfissiisoqarluni, taamaalilluni immikkoortoq tamanna siunissamat qulakkeerneqarluni. Immikkoortup ilaani inissiaqarfiup tungaanut aqquuserngani ingerlaviit immikkoortiterneqarneri allanngortinnerisigut pisuinnarnut biilertunullu angallannermi isumannaannerulersitsinissaa.

Maanna atuuppoq kommunimut pilersaarummut tapiliussaq 3A8-4 kommunimut pilersaarut 3A8-3 atorunnaarsinneqarpoq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 01.09.22:

Inassuteqaat amerlanerussuteqartut, (IA aamma N), akuersissutigaa.

Inassuteqaat ikinnerussuteqartut, (S aamma D) itigartitsissutigaa.

Aningaasaqarnermut Inuussutissarsiornermullu Ataatsimiititaq, 22.09.22:

Inassuteqaat amerlanerussuteqartut (IA aamma N) akuersissutigaa.

Inassuteqaat ikinnerussuteqartut (S aamma D) itigartitsissutigaa.

Siumumit aammalu Demokratinit ikinnerussuteqartutut oqaseqaat: aallaqqaataani siunnersuummi sanaartorfiit arfineq-marluusut suli Demokratinit aammalu Siumumit kissaatigineqarput.

Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliussaq 3A8-4 liminaq, Nuuk

Punkt 9: Ukiumoortumik naatsorsuutit 2021 – naatsorsuutit inaarneqarneri kukkumersiuusut oqaaseqaataannik imallit akuersissutigineqarnerat

Beslutning

Inassuteqaat akuersissutigineqarpoq.

Bilag

Ukiumoortumik Nalunaarusiaq 2021

Ilanngussaq 1 - Ingerlatsinermut naatsorsuutitut oqaaseqaatit

Ilanngussaq 2 - Sanaartornermut naatsorsuutitut oqaaseqaatit

Kukkumersiuusut nalunaarutaat 2021

Oqaaseqaat - Kukkumersiuusut oqaaseqaataasa akissuteqarfiginerat



Ukiumoortumik naatsorsuutit 2021 – naatsorsuutit inaarneqarneri kukkunersuiusut oqaaseqaataannik imallit akuersissutigineqarnerat

Aalajangiiffigisassaq

SagsID: EMN-2022-07462

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- 2021-mi ukiumoortumik naatsorsuutit (ilanngussat 1-3) inaarutaasumik akuersissutigineqassasut
- kukkunersuiusut nalunaarutaat 2021 tusaatissatut tiguneqassasoq (ilanngussaq 4)
- kukkunersuiusut nalunaarutaannut akissutitut nassuiaat tusaatissatut tiguneqassasoq (ilanngussaq 5)

Suliassamik saqqummiussineq

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq naapertorlugu Aningaasaqarnermut Inuussutissarsiornermullu Ataatsimiititaq naatsorsuutitik Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersuiusunut ingerlateqqinneqassapput. Tamanna Aningaasaqarnermut Inuussutissarsiornermullu Ataatsimiititami apriliip 28-anni 2022-mi aamma Kommunalbestyrelsimi maajip 31-anni 2022-mi ataatsimiinnermi pivoq.

Tamatumalu kingorna Deloitte kommunimut kukkunersuiusutut inissisimasuusoq, ukiumut naatsorsuutitik kukkunersuiuinermik suliaqarpoq, oqaaseqaatinillu aamma inerniliussanik saqqummiilluni.

Kukkunersuiusut oqaaseqaataat inerniliinerallu kukkunersuiusut oqaaseqaataanni (ilanngussaq 4) 22. septembari 2022-mik ullulernerqarsimasutut ilanngussami takuneqarsinnaapput.

Tamatuma kingorna Aningaasaqarnermut Inuussutissarsiornermullu Ataatsimiititap kommunip inaarutaasumik naatsorsuutai kukkunersuiusut nalunaarutitaannik ilallit akissutitullu nassuiaatitallit Kommunalbestyrelsimut inaarutaasumik akuersissuteqartussamut saqqummiutissavai.

Tamatuma kingorna Naalakkersuisunut pisortatigoortumik nassiuqqassapput, inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

Ingerlatsivimmit aningaasatigut sulisoqarnikkullu naliliinerit

2021-mut naatsorsuutini takuneqarsinnaavoq, katillugit 70,4 mio. kr.-nik sinneqartoorteqartoqartoq.

Kommunip aningaasaatai aamma karsimiittutai 2021-p naanerani 2.077,6 mio. kr.-upput taavalu - 28,7 mio. kr-it (amigartoorfiullutik).

Aamma ukiumut naatsorsuutininut kiisalu kukkunersuiusut oqaaseqaataannut suliami ilanngunneqartunut innersuussuteqartoqarpoq makkuusut:

1. Ukiumoortumik Nalunaarusiaq 2021
2. Ukiumut nalunaarusiamut ilanngussaq 1 – ingerlatsinermut naatsorsuutininut oqaaseqaatit
3. Ukiumut nalunaarusiamut ilanngussaq 2 - sanaartornermut naatsorsuutininut oqaaseqaatit
4. Kukkunersuiusut nalunaarutaat 2021



5. Oqaaseqaat - Kukkunersiuisut oqaaseqaataasa akissuteqarfiginerat Kukkunersiuisut kommunip ukiut siuliini naatsorsuusiaasianut tunngasut pillugit oqaaseqaatini sulii attappaat, taamaattorli 2021-mi naatsorsuutit nutaanik oqaaseqaasiornissamut pissutissiisimangillat.

Kukkunersiuiineq taamaalillugu 2021-mi naatsorsuutit immikkut isiginagit kukkunersiorneqarnerat oqaatigineqarpoq, tamannalu kukkunersiuisumit imatut nalilernerqarpoq, (issuaaneq):

"Isumaqarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut."

Kukkunersiuiinermi oqaaseqaatit kukkunersiuiinermi nalunaarusiami 2.3-mi allaqqapput. Kukkunersiuisut kukkunersiuisup oqaaseqaataanni ukiuni siusinnerusuneersut nanginneraat. Ukiuni siusinnerusukkut oqaaseqaatigineqartut pingasut 2021-mi matunerqarput, taakku allaffeqarfimmit iluarsineqarsimammata, taamaalillunilu kukkunersiuisoq oqaaseqaatissaarulluni. Ukiut siuliini oqaaseqaatini qulit 2022-mut ingerlateqqinneqarput, kukkunersiuisut nalilermassuk 2021-p naanerani taakku iluarsivigineqarsimangitsut. Allaffeqarfiup oqaaseqaatai akissutitut nassuiaammi (ilangussaq 5) atuarneqarsinnaapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit nalilernerqarpoq naatsorsuutit kukkunersiuisunit nalunaarusiartallit tamaat isigalugu eqqortuusut.

Taamaammat inassuteqaat akuersissutigineqassasoq innersuussutigineqarpoq.

Inatsisitigut tunngavissaq allakkallu tunngaviusumik uppernarsaatitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigorianaateqarnerat, naatsorsuutaat kukkunersiuisoqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunip Aqutsinermi Ileqqoreqqusai
- Kommunip piginnaatitaanermut pilersaarutaa

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 22.09.22:

Inassuteqaat akuersissutigineqarpoq.

Ilangussat

1. Ukiumoortumik Nalunaarusiaq 2021
2. Ilangussaq 1 - Ingerlatsinermut naatsorsuutitut oqaaseqaatit
3. Ilangussaq 2 - Sanaartornermut naatsorsuutitut oqaaseqaatit
4. Kukkunersiuisut nalunaarutaat 2021
5. Oqaaseqaat - Kukkunersiuisut oqaaseqaataasa akissuteqarfiginerat

Punkt 10: Kukkuersiuinissamut neqerooruteqartitsineq

Beslutning

Inassuteqaat akuersissutigineqarpoq.



Kukkunersiuinissamut neqerooruteqartitsineq

Aalajangiiffigisassaq

SagsID.: EMN-2022-07605

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- kommunip ukiumoortumik naatsorsuutit kukkunersiorneqarnissaat tamanut neqerooruteqartitsissutigissagaa akuersissutigineqassasoq (periarfissaq 3)

Suliassamik saqqummiussineq

Kommuneqarfik Sermersuumi piginnaatitsinermut pilersaarut naapertorlugu ukiuni missingersuusiorfiusunut arlalinnut isumaqatigiissusiornerit Aningaasaqarnermut Inuussutissarsiornermullu Ataatsimiititami aalajangiiffigineqartassapput.

2014-imi Deloitte kommunip ukiumoortumik naatsorsuutaasa kukkunersiornerinissai akisussaaffigilerpai. Siullermik ukiumoortumik naatsorsuutit piffissamut 2014 – 2018-imut isumaqatigiissutaapput. 2019-imi isumaqatigiissut sivitsorneqarpoq aamma ukiunut 2019 – 2022-mut tunngasuussasoq, periarfissaralugu ukiunut 2023-mut aamma 2024-mut sivitsorneqarnissaa. Taamaattumik ukioq 2023-mut ukiunullu tulliuuttunut kukkunersiuisoqarnissamut tunngasoq aaqqiissuteqarfiginarneqarpoq.

Ulloq 1. juuli 2019 Inatsisartut nioqqutissanik pisiniartarnermut aammalu pisortat oqartussa qarfiisa suliffeqarfiisalu sullinneqarnerinut atatillugu neqerooruteqartitsisarneq pillugu inatsit nr. 6, 12. juuni 2019-imeersoq atuutilersinneqarpoq (neqerooruteqartitsisarneq pillugu inatsit). Imaappoq kukkunersiuinissamik suliassaq tamanut neqerooruteqartitsissutaasariaqanngilaq.

Kukkunersiuisoqarnermut isumaqatigiissutip nutarternissaanut atatillugu siunnersuutigineqarpoq, suliffeqarfik Kalaallit Nunaanni allaffeqarfilik toqqarneqassasoq. Suliffeqarfimmut Kiffartuussiviup ilisimatinneqarnera malillugu, suliffeqarfiit marluk Kalaallit Nunaanniittut ullumikkut kommunit ukiumoortumik naatsorsuutaannik kukkunersiuisuusarput. Siulleq tassaavoq Deloitte aappaalu BDO. Kukkunersiuisarfik Ernst & Young aamma Kalaallit Nunaanni allaffeqarfeqarpoq, qallunaat nunaanni kommunit kukkunersiuisoqarfugalugu, taakkua saniatigut Grønlands Revisionskontor atuuppoq.

2023-mut ukiunullu tulliuuttunut sisamanut ukiumoortumik naatsorsuutit kukkunersiorneqarnissaannut periarfissat pingasut siunnersuutigineqarput:

- 1) Kommunip Deloitte isumaqatigiinniarfigissavaa, kingornagullu isumaqatigiissut sivitsorneqarluni.
- 2) Kommunip Deloitte aamma BDO isumaqatigiinniarfigissavai, kingornagullu suliffeqarfik akitigut pitsaassutsitigullu pitsaanerpaaq isumaqatigiissuteqarfugalugu.
- 3) Kommunip ukiumoortumik naatsorsuutit kukkunersiorneqarnissaat tamanut neqerooruteqartitsissutigissavaa.



Ingerlatsivimmit aningaasatigut sulisoqarnikkullu naliliinerit

Maannakkut Deloittemik isumaqatigiisummi, 2019-imi kommunip ukiumoortumik naatsorsuutaasa kukkunersiorneqarnerinut Kommune 1,2 mio. kr.-nik akiliuteqarpoq. Aningaasat taakkua ukiumut akitigut 2%-mik iluarsissuteqarfigineqartarput. Imaappoq, Kommune 2022-mi 1,27 mio. kr.-nik akiliuteqassaaq. Tassunga atatillugu ukiut ingerlanerini Deloittemut tapiliussatut sullissinerit pisiarineqartarput.

Akigitat inuiaqatigiinni tamani qaffakkiartorerat pissutigalugu kukkunersiuisitsinerup akitsornissaa naatsorsuutigineqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik oqaaseqaateqanngilaq.

Inatsisitigut tunngavissaq allakkallu tunngaviumik uppersaatitallit

- Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 22.09.22:

Aningaasaqarnermut Inuussutissarsiornermullu Ataatsimiititap periarfissaq 3 akuersissutigaa.

Ilanngussat

1. Deloittemut isumaqatigiissut atuuttoq.

Punkt 11: 2023-mut missingersuutit siullermeerneqarneri

Beslutning

Inassuteqaat amerlanerussuteqartunit (IA, N aamma D) akuersissutigineqarpoq.

Siumut akileraarutip procentia 26%-iutillugu akuersissutigalugu inassuteqaatit sinneri itigartitsissutigai.

Bilag

Imarisaa

2023-mut missingersuutitut missingersuusiornissamut malittarisassat

2023-mut tunngaviusumik missingersuutit pillugit saqqummiineq

Budgetmodel 2023

Pisariaqartumik missingersuutissatut siunnersuut

Ingerlatsineq pillugu missingersuutissatut siunnersuut

Ingerlatsinermut suliaasat siunertaasa allaaserineri



2023-mut missingersuutit siullermeerneqarneri

Aalajangiiffigisassaq

SagsID.: EMN-2022-07466

Suliffeqarfimmum Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- tunngaviusumik missingersuutit oqaluuserineqartut naleqqussaanerit ilanngullugit akuersissutigineqassasut
- akileraarutip procentia 26%-iutillugu akuersissutigineqassasooq
- 2023-mi isumaqatigiissutit kingunerisaattut missingersuutissatut siunnersuutitut ilanngunneqareersut minillugit akigititanik aamma akissarsianik allangortiterisoqassanngitsooq akuersissutigineqassasooq

Suliassamik saqqummiussineq

Aningaasaqarnermut Inuussutissarsiornermullu Ataatsimiititap ulloq 22. septembari 2022-mi ataatsimiinnermini 2023-mut missingersuutit siullermeerpai. Siullermeerinerumut tunngavissatut allaffeqarfik arlalinnik allaaserinnippoq, suliassamik saqqummiussinermi uani ilanngusatut ilanngunneqartunik, ataatsimoortillugit 2023-mut missingersuutitut mappimik taaguuserneqartunik.

Allaaserisat ataatsimoortillugit tassaapput 2023-mut missingersuutitut allaffissornermi ukiumut missingersuutit aamma 2024-2026-mut ukiumut missingersuusiortiusut. Missingersuutitut siunnersuummi allaffeqarfimmit 2023-mut tunngaviusumik missingersuutit missingersuutissatullu siunnersuutit pisariallit ataatsimut suliarineqarnissaat anguniarneqarpoq. Ataatsimiititap 2023-mut tunngaviusumik missingersuutit missingersuutissatullu siunnersuutit pisariallit, missingersuummut naleqqussaataasut, tamaasa akuersissutigai..

Ukioq manna missingersuusiornissap tungaanut assigiinngitsorpaalunnik pisoqarpoq kommunip aningaasaqarneranut aamma tigorianaanaatanut kiisaalu kommunip missingersuusiornissaanut sunniuteqartunik. Missingersuusiornermi oqimaaqatigiissitsinissaq suli pingaartinneqarpoq nutaamilli aningaasaliinissamik periarfissaqarmat aamma isertitassat aningaasartuutissallu naatsorsoruminarnerummata ukioq manna periarfissat nutaat eqqarsaatigalugit pingaarnersiuinissamut politikikkut aningaasanik atorsinnaasaqalerpoq.

Tassungalu ilanngullugu Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allangortinneqarnissaa pillugu *Inatsisartut inatsisaat nr. 13, 1. december 2021-mersooq 2023-miit atuutilissaaq*. Matumani kommune pisussaaffilerneqarpoq, tassa ukiumut sisamat ingerlaneranni kommunit ataasiakkaat ukiumoortumik missingersuutaat aamma Namminersorlutik Oqartussat aningaasanut missingersuutaat oqimaaqatigiissinneqassasut imaluunniit sinneqartoofiussasut. Ukiumut sisamat ingerlaneranni ukiumi ataasiakkaani amigartooruteqartoqarsinnaavoq sinneqartooteqarluniluunniit, taamaattorli ukiumut sisamat ingerlaneranni oqimaaqatigiissinneqassapput imaluunniit sinneqartooteqarfiussapput. Tamatumani saniatigut allassimavoq ingerlatsinerumut, tapiissutitut sanaartornermullu aningaasaliissutit tamarmiusut ukiumi ataatsimi annerpaamik 1,00 procentimik qaffariaateqassasut aamma ukiumut sisamat ingerlaneranni ataatsimut qaffariaataat annerpaamik 2,00 procentiussasut.



Aningaasaqarnermut Naligiissitaanermullu Naalakkersuisup aalajangerpaa Kommuneqarfik Sermersuumi 2023-mut qaffariaataasinnaasoq annerpaamik 2,06%-usoq piffissamilu 2023-2026-mi 3,06%-ulluni.

Inatsit piviusorsior tumik isumaqarpoq, 2023-mut missingersuutini (missingersuutissatut siunnersuut aamma ilassutitut aningaasaliissutit) 2,06%-t qaangerlugit annertunerusumik aningaasaliissuteqartoqarnissaanik kissaatit nammineq missingersuuteqarfinit matussusiissutissatut sipaaruteqarfissanik siunnersuutininik ilalerneqartassasut.

Taamaattorli immikkut ittumik pisoqarpoq, tassa kommune Siorarsiorfik – Nuuk City Development A/S-imit pigisanik 600 mio. kr. miss. pisissaaq kiisalu Nuummi atuarfimmik nutaamik naammassillugu sanaartornissaq tigussallugu, maannalu inatsit tunngavigalugu kommunip missingersuusiorterani ilaatinneqarpoq, taamalu annerpaamik 2,06%-imik qaffariaataasinnaasoq qaangerneqarluni. Maannakkut missingersuusiorterami nuussinerit taama ittut ilanngunneqarnissaannut pisussaajunnaarsinneqarnissaannut aaqqiissuteqarnissaq siunertaralugu Aningaasaqarnermut Naligiissitaanermullu Naalakkersuisunik isumaqatiginninniarnit aallartereerput.

Allaffeqarfik 2022-mut missingersuutit aamma TB1 akuerisat tunngavigalugit 2023-mut tunngaviumik missingersuusiortoq. Missingersuutit isertitanut, ingerlatsiner mut aningaasartuutitut, ernianut aamma sanaartugassanut aningaasaliissutitut agguataagaapput, taakkulu ataatsimut politikikkut pingaarnersiui nissamut 83 mio kr.-inik aningaasaqarnikkut atorsinnaasanik tunngavissiisuussapput.

Politikikkut pingaarnersiui nermi atorsinnaasat allaffissornikkut aamma politikikkut missingersuutitut siunnersuutit ingerlatsiner mut missingersuutitut ilanngunneqarnissaannut kiisalu sanaartugassanut missingersuutini allannguutissatut siunnersuutitut ator neqarnissaat anguniarneqarpoq. Taamaalluni atorsinnaasat tassaapput politikikkut missingersuutit pillugit isumaqatiginninniarnermi najoqqutassat.

Kommunalbestyrelsi p 2022-mi maajip ulluisa 31-anni ataatsimiinnerani 2023-mut missingersuusiorterami malittarisassat akuersissutigineqarput. Tassani kommunip missingersuusiortiaasia, missingersuusiorter mullu tunngavigineqartut nassuiarneqarput. Tamanna pillugu annertunerusumik paasissutissat missingersuutitut mappimi imm. 2 innersuussutigineqarpoq.

Missingersuutit Kommunalbestyrelsimi siullermeerneqarnissaannut saqqummiunneqassapput, tamatumalu kingorna missingersuutit inaarutaasumik aalajangiunneqarsimasutut naatsorsuutigineqarnissaannut Aningaasaqarnermut Inuussutissarsiorter mullu Ataatsimiititami Kommunalbestyrelsimilu aappassaaneerneqassapput.

Missingersuutininik saqqummiussineq

Ataatsimiititap siullermeerininnissaanut 2023-mut tunngaviumik missingersuutit, nalinginnaasumik ingerlatsiner mi 463 mio. kr.-nik sinneqartoorteqarfiusussatut sanaartugassanullu 470 mio. kr.-nik aningaasaliissuteqarfiusussatut tamatumalu kingunerisaanik 2023-mut angusani 7 mio. kr.-nik amigartoorteqarfiusussatut tunngaviumik takussutissartallit ilaapput.



Aningaasaliissutissanik annertuumik pissarsiaqarsimaneq pissutigalugu tunngaviumik missingersuutini aningaasat tigorianaanaat 145 mio. kr.-nut amerleriaateqarput kiisalu 2023-p naanerani karsimiittuutit 190 mio. kr.-nut amerleriaateqarlutik.

Allaffeqarfimmit tunngaviumik missingersuutit aallaavigalugit ingerlatsivinni missingersuutit misissorneqarput, tassanilu 2023-mut tunngaviumik missingersuutini arlalinnik allangortisisoqartariaqartoq paasineqarpoq. Aningaasartuutissat pituttorsimasut kingunerisaanik allannguuteqartoqassaaq, taakkulu ingerlatsiviit missingersuusiorfimmi 2023-2026-mi malittussaavaat.

Ataatsimut isigalugu 90 mio. kr.-t akuersissutigineqarnissaat missingersuutissatullu siunnersuutitut pisarialittut missingersuutitut ilanngunneqarnissaat allaffeqarfimmit siunniunneqarpoq. Tamannalu ataatsimiititami akuersissutigineqarpoq.

Tamatuma kingunerisaanik nalinginnaasumik ingerlatsinermi 373 mio. kr.-nik kiisalu sanaartugassanut 462 mio. kr.-nik angusaqartoqassaaq, tamannalu katillugit 89 mio. kr.-nik amigartooruteqarfiusumik angusaqarfussaaq. Taamaalluni aningaasat tigorianaanaat 2023-mi 63 mio. kr.-nik amerleriaateqassapput, taamalu 2023-p naalernerani karsimiittuutit 83 mio. koruuniussallutik..

Maannakkut sanaartugassanut pilersaarutit annertuut taakkunungalu aningaasaliissutit kommunimit tigoqqinneqalermata kommune piaartumik aningaasanik tigorianaannarnik pisariaqartitsiunnaarpoq.

Taamaammatt missingersuusiorfimmi 2023-mit 2026-mut kommunimi aningaasat tigorianaanaat amerliartuaartinneqarnissaat siunniunneqarpoq. Taamaalluni 2023-mi karsimiittuutit 25 mio. koruuniunissaat, 2026-mi 150 mio. koruuninut amerliartuaartillugit missingersuusiorortoqarnissaa inassutigineqarpoq.

Kommunimi aningaasat tigorianaannanut taamatut killiliiffigineqarneratigit 2023-mut aningaasat atorsinnaasat 83 mio. koruuninngussapput. Aningaasat atorsinnaasat tunngavigalugit Kommunalbestyrelse missingersuutitut siunnersuutit pingaarnersiornissaannut kiisalu missingersuutini kissaatit suliniutillu nutaat ilanngunnissaannut periarfissaqassaaq.

Ingerlatsivimmit aningaasatigit sulisoqarnikkullu naliliinerit

Aallaqqaasiutigalugu ingerlatsivimmit missingersuutitut siunnersuut 2022-mut missingersuutit akuerisat, 2022-milu ilassutitut aningaasaliissutit akuerisat kingunerisaanik iluarsineqarsimasut tunngavigalugit suliarineqartut erseqqissaatigineqassaaq. Tassunga atatillugu ingerlatsiviit ataasiakkaat (PINNGITSOORANI) iluarsiissutissat pisariaqartut naqqiissutillu kiisalu SULIARINEQARSINNAASUT pillugit periarfissat allattorsimaffia ataaseq pillugit takussutissamik suliaqarput.

Maanna missingersuutitut siunnersuut saqqummiunneqartoq sukumiisumik suliarineqarsimasutut, tunngavilersorluagaasutut aamma pissutsit piviusut misissueqqissaarnerillu tunngavigineqartut ingerlatsivimmit nalilerneqarpoq. Missingersuutit aqutsinermut atugassaapput, matumanilu allaffeqarfimmit politikerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli pisoqarsinnaavoq, suliaasat annertussusaat allannorsinnaapput kiisalu tassannaannartumik pisoqarsinnaavoq missingersuutitut siunnersuusiornermi siumut naatsorsorneqarsinnaanngitsunik. Pissutsit taamaattut ukioq missingersuusiorfimmi ilassutissatut aningaasaliissutitut ilaatinneqartassapput. Taamaattumik pisut pissutsillu nalinginnaasumik nakkutiginninnikkut peqqissaarussinikkullu missingersuusiornermi naatsorsuutigineqarsimasussaagaluartut ilassutitut



aningsaliissuteqartoqartillugu saqqummiunneqartassanngitsut paasissutissiissutigineqarnissaa pingaaruteqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq kiffartuussivik suliamut uunga pineqartumut susassaqtuugami.

Inatsisitigut tunngavissaq allakkallu tunngaviusumik uppersaataallit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermi Ilegqoreqqusai
- Kommuneqarfik Sermersuumi 2023-mut missingersuusiornermut malittarisassat
- Kommuneqarfik Sermersuup piginnaatitaanermut pilersaarutaa

Siusinnerusukkut aalajangerit

Aningaasaqarnermut Inuussutissarsiornermullu Ataatsimiititaq 22.09.22:

Inassuteqaat amerlanerussuteqartunit (IA, N aamma D), akigitat allattorsimaffiat aamma oqaasertassat siunnersuutit 2023-mut missingersuutip aappasaanneerineqarnissaanut kinguartinneqartut minillugit akuersissutigineqarpoq.

Siumut inassuteqaat akuerinngilaa.

Ilanngussat

1. Imarisaa
2. 2023-mut missingersuutitut missingersuusiornissamut malittarisassat
3. 2023-mut tunngaviusumik missingersuutit pillugit saqqummiineq
- 3a. Budgetmodel 2023
4. Pisariaqartumik missingersuutissatut siunnersuut
5. Sanaartugassanut missingersuutit 2023-2031
6. Maanna sanaartornermut pilersaarutit nassuiarneri
7. Sanaartorneq pillugu missingersuutissatut siunnersuut
- 7a. 2023-mut missingersuutissatut siunnersuutit – ingerlatsivinnut agguataarlugit
8. Ingerlatsineq pillugu missingersuutissatut siunnersuut
9. Ingerlatsinerimut suliaassat siunertaasa allaaserineri

Punkt 12: Siulersuisunut ilaasortanik sinniisunillu nutaanik taasineq

Beslutning

Inassuteqaat akuersissutigineqarpoq.

Siulersuisunut ilaasortanik sinniisunillu nutaanik taasineq

Aalajangiiffigisassaq

SagsID.: EMN-2022-07734

Suliffeqarfimmut Kiffartuussivik - kommunaldirektøri Ole Jakobsen/ OJAK

Inassuteqaat

Aningaasaqarnermut Inuussutissarsiornermullu Ataatsimiititamit Kommunalbestyrelsimut inassuteqaatigineqarpoq:

- Utoqqaat Illuanni siulersuisunut Mia Skifte Lyngø (IA) ilaasortassatut akuersissutigineqassasoq
- Mælkebøttecenterimi siulersuisunut Avaaraq S. Olsen (IA) ilaasortassatut taaseqataasinnaangitsumik akuersissutigineqassasoq
- Ippiarsummi siulersuisunut sinniisussatut Mia Skifte Lyngø (IA) akuersissutigineqassasoq
- Kommuneqarfik Sermersuup Angalanissamut aningaasaateqarfiani siulersuisunut Lone sinniisussatut Rosengreen Pedersen (IA) akuersissutigineqassasoq

Suliassamik saqqummiussineq

Kommunalbestyrelsi 3. maaji 2021 inissitsiterluni ataatsimiinneranut atatillugu aningaasaateqarfimi siulersuisoqarfinnilu siulersuisuni ilaasortanik sinniisussanillu nutaanik Kommunalbestyrelse qinersivoq.

Charlotte Ludvigsenip (IA) Borgmesteritut tunuarniuteqarneranut, tamatumalu kingorna Avaaraq S. Olsenip (IA) Kommuneqarfik Sermersuomi Borgmesteritut nutaatut toqqarneqarneranut atatillugu, Avaaraq S. Olsen siulersuisuni ilaasortaaffimminit tunuarpoq.

Taamaattumik Kommunalbestyrelse Utoqqaat Illuanni siulersuisunut ilaasortamik nutaamik, kiisalu Mælkebøttecenterimi siulersuisunut ilaasortamik taaseqataasinnaangitsumik toqqaassaaq. Matumanittaaq Kommunalbestyrelse Ippiarsummi Inge Olsvig Brandtimut (IA) siulersuisuni sinniisussamik, kiisalu Kommuneqarfik Sermersuup Angalanissamut aningaasaateqarfiani Naya Sophia Pedersen Lyberthimut (IA) siulersuisuni sinniisussamik toqqaassaaq.

Ilaasortat kommunalbestyrelsimut toqqarneqareerpata, siulersuisut assigiinngitsut Kommunalbestyrelsi aalajangiussaani ilisimatinneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 31 imm. 1
- o Aningaasaateqarfinnut suliffeqarfinnullu assigiinngitsunut ileqqoreqqusat aalajangersakkallu.

Siusinnerusukkat aalajangiinerit

Aningaasaqarnermut Inuussutissarsiornermullu Ataatsimiititaq, 22.09.22:

Aningaasaqarnermut Inuussutissarsiornermullu Ataatsimiititap toqqaanera:

Utoqqaat Illuanni siulersuisunut ilaasortatut toqqarneqarpoq Mia skifte Lyngø (IA)

Mælkebøttecenterimi siulersuisunut ilaasortatut toqqarneqarpoq Avaaraq S. Olsen (IA)

Ippiarsummi siulersuisunut sinniisussatut toqqarneqarpoq Mia skifte Lyngge (IA)
Kommuneqarfik Sermersuup Angalanissamut aningaasaateqarfiani siulersuisunut sinniisussatut
toqqarneqarpoq Lone Rosengreen Pedersen (IA)

Ilanngussat
Soqanngilaq.

Punkt 13: Folketingimut 2022-mi qinersisoqarsinnaaneranut qinersinermut siulersuisunik pilersitsinissaq

Beslutning

Inassuteqaat akuersissutigineqarpoq.

Folketingimut 2022-mi qinersisoqarsinnaaneranut qinersinermut siulersuisunik pilersitsinissaq

Aalajangiiffigisassaq

SagsID.: EMN-2022-07521

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Uju Petersen (IA) aamma Inga Dora G. Markussen (S) qinersinermut siulersuisuni ilaasortatut akuersissutigineqassasut

Suliassamik saqqummiineq

Inatsisit tunngaviusut naapertorlugit Folketingimut qinersisoqartassaaq minnerpaamik ukiut sisamat qaangiukkaangata. Ukiulli sisamat qaangiutinngikkaluartut statsministeri sukkulluunniit qinersisussanngortitsisinnaavoq. Folketingimut qinersineq kingulleq pivoq u 5 juni 2019, taamaasilluni folketingimut qinersineq tulleg ingerlanneqassaaq kingusinnerpaamik ulloq 4 juni 2023. Danskit politikkikkut ingerlatsinerata maanna pisup ilimanarsisippaa qinersinissaq siusinnerujussuarmik piimaartoq.

Folketingimut qinersinermi toqqaannartumik inatsimmi folketingimut qanoq akulikitsigisumik qinersisoqartarnissaanik maleruagassanik imaqaqqangilaq. Inatsimmili folketingimut qinersisoqassatillugu ullunik 21-nik sivikinnerunngitsumik qinersisussanngortitsinissamat killiliussaqqarpoq. Taamaasilluni Kalaallit Nunaanni folketingimut qinersinermi aallaaviatigut ilimagineqassaaq sapaatip-akunnerisa 3 iluanni pilersaarusiornissaq.

Folketingimut qinersisoqarnissaanut piareersimajumalluni Suliffeqarfimmut Kiffartuussiviup Kommunalbestyrelsimut inassuteqaatigaa piffissaagallartillugu qinersinermut siulersuisussanik pilersitseqqullugu. Kalaallit Nunaanni folketingimut qinersinermi inatsimmi § 10 naapertorlugu. Qinersinermut siulersuisut tassaassapput Kommunalbestyrelsimi siulittaasoq aamma minnerpaamik kommunalbestyrelsimut ilaasortat allat marluk, Kommunalbestyrelsimut toqqakkat, § 10, stk 2 naapertorlugu.

Suliffeqarfimmut Kiffartuussivimmit inassuteqaatigineqarpoq qinersinermut siulersuisussatut toqqarneqartut qaammatini pingasuni atuuffeqarnissaat, ulloq toqqarneqarfiat aallaaviulluni. Folketingimut qinersisussanngortitsineq qaangiuppat Suliffeqarfimmut kiffartuussivimmit inassuteqaatigineqarpoq, Aningaasaqarnermut Inuussutissarsiutinullu Ataatsimiititamit, qinersinermut siulersuisussat nutaamik toqqarneqarnissaat.

Ingerlatsivimmit aningaasatigut sulisoqarnikkullu naliliinerit

Pisariaqaqqangilaq.

Suliffeqarfimmut Kiffartuussivimmit aningaasatigut naliliineq

Pisariaqaqqangilaq.

Inatsisitigut tunngavissaq allakkallu tunngaviusumik uppernarsaatitalit

- o Kalaallit Nunaanni folketingimut qinersinermi Inatsit (Lovbekendtgørelse nr 2241 af 25/11/2021)
- o Folketingimut qinersinermi inatsit (Lovbekendtgørelse nr 294 af 07/03/2022)
- o Inatsisit tunngaviusut § 32

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 22.09.22:

Aningaasaqarnermut Inuussutissarsiornermullu Ataatsimiititami Folketingimut qinersinermik siulersuisunut aallartitatut taaneqarput: Uju Petersen (IA), Inga Dora G. Markussen (S) aamma Borgmester Avaaraq S. Olsen (AI) qinersinermik siulersuisunut toqqaannartumik ilaasortatut inissilluni.

Ilanngussat

Ilanngussaqaqqangilaq.

Punkt 14: Kommunimut nalunaarutiginnittarnerup aaqqiiffiqarnissaata oqallisigineqarnissaanut siunnersuut

Beslutning

Kommunalbestyrelsen aalajangiinera: amerlanerussuteqartut (IA, N aamma Demokratit) siunnersuut taamatut isikkoqartillugu itigartippaat.

Siumumit siunnersuut taparserneqarpoq Meeqqanut Atuarfeqarfimmut Ataatsimiitamut aamma Meeqqanut Ilaqutariinnullu Ataatsimiititamut ingerlateqqinneqarnissaa kissaatigineqarluni.

Kommunimut nalunaarutiginnittarnerup aaqqiiffigineqarnissaata oqallisigineqarnissaanut siunnersuut

Kommunalbestyrelsimut ilaasortap Laura Táunâjik Uitsatikitsip (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2022-07869

Suliffeqarfimmud Kiffartuussivik – kommunaldirektøri Ole Jakobsen / OJAK

Inassuteqaat

Kommunalbestyrelsimut ilaasortap Laura Táunâjik Uitsatikitsip Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Laura Táunâjik Uitsatikitsip ulloq 15. september 2022 Kommunalbestyrelsimut aalajangiiffigisassaataut siunnersuummik nassiuussivoq. Laura Táunâjik Uitsatikitsip meeqqeriveqarfiit atuarfeqarfiillu kommunemut nalunaarutinik ingerlatitsigaluarlutik uterfigineqanngisaannarnerisa ajornartorsiutaanera Kommunalbestyrelsimi eqqartorneqarnissaa kiisalu qanoq aaqqiiffigineqarsinnaanera pillugu oqallisigineqarnissaa kissaatigaa.

Tunngavilersuut:

"Meeqqat pillugit inatsit tassaavoq nunatsinni meeqqat sumiikkaluartulluunniit pillugit innuttaasutut ataasiakkaatut illersuinissatsinnut malitassagut. Naak inatsisitigut sinaakkutit kusanaraluaqisut, taamaattorli pissutit ulluinnarni atorineqartut quarsaarnartorpassuarnik nassataqarput. Inatsit malinniagaq qalipagarsuutut kusanartutut isikkoqaraluaq assiliarsuutulli ittutut ippoq annerusumik meeqqanut sumiginnarneqarsimasunut illersuutaanngitsaq.

Kommuneqarfik Sermersooq ataani "Meeqqavut" aqputigalugu meeqqat aarlerinartumik inissisorisagut inersimasunit kikkunilluunniit nalunaaruteqarnikkut atorineqarsinnaavoq. Tamannali maanna aqput atoraluarlugu meeqqanut pineqartunut illersorneqarnikkut malunnaavallaarsimanngilaq. Uggornaannarani assorsuaq nukillalaarnarpoq meeqqat aserorterneqartut immaga piffissaq sioqqullugu annaanneqarsinnaagaluartut Kommunitisinni aamma sumiginnarneqarmata, naak aqput taannaasussaagaluaq meeqqat pisinnaatitaaffimmigut illersorneqarnissaannik aqputissatuaq.

Nalunaarutiginnittarnerit pillugit kvitteringinik utertitsivigineqartarpugut, tamatumali kinguneqanngisaannarnera ukiuni arlalinnugulersuni maanna takusimalerparput. Ukiut arlalialunnguit qaangiuppata ajornartorsiut sakkortuninngorluni utersinnaanera inuiaqatigiinnut akisoorujussuannngorluni kingunerluuteqarsinnaanera ilimageriaannaavoq. Tamanna kissaatiginanngikkaluaqaaq, isiginnaartuuginnarnittali iliuusittalu naammaginannnginnerujussuisa kingunissai aarlerinermik nassataqartussaasut ilimagisariaqarpagut.

Taamaattumik politikikkut Kommunetsinni pikkorluffigisimasarput aaqqiiviginissaa piffissanngorluinnarpoq. Meeqqat imerajuttoqarfimmiittut inissisimaffimmini "kiggeqqatigerujuuginnaraluarutsigit" siunissami uatsinnut aamma sunniuteqartumik pitsaavallaarnaviannngillat. Piffissaq massakkuuvoq meeqqat nalunaarutigineqartartut piaartumik ikiorserneqartalernissaat. Imaanngitsaq aatsaat pinavissortumik pisoqaraangat "qatseriniartassasugut" periuseq taanna torrallataanngilluinnarpoq.

Ilaatigummi atuarfeqarfiit meeqqeriveqarfiit nalunaarutinik kommunemut ingerlatsigaluaraangasa uterfigineqanngisaannarnermikkut ajornartorsiut imak annertutigisoq kivinniartariaqalertarpaat suliainnut tunngaviatigut sulinissartik qitiutikkunnaarlugu meeqqanik annaassiniaraluartarnerpassuit isoqanngitsut naammassiniarsarisarlugit. Tamanna ajorluinnarpoq, aaqqiivigineqarnissaa kinguarateqattaassagutsigu kingunipilui uagut aamma inooqataaffigilertussaavagut.

Taamaattumik aalajangiiffissatut siunnersuut una alloriarfiusussaassooq, ataatsimiittaliami susassaqartunit siammasinnerusumik aaqqiissuusseqqinnikkut. Meeraq inuiaqatigiinni illernartuuvoq, taamaattumik illersorneqarnikkut sakkortusisamik iliuuseqarsinnaassuseq Kommunita nukittuffigisariaqarpaa. Kvitterinngit aaqqiissutaanngimmata..”

Siunnersuut qanoq aningaasaliiffigineqassava?

Siunnersuuteqartumit erseqqissarneqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:
§ 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiittaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malineqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaqarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliaq suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussat

Soqanngilaq.

Punkt 15: Lukket

Punkt .: Tamalaat

Beslutning

Justus Hansen: Air Greenland kangiani sullissinera peqquataalluni Kommuneqarfik Sermersooq Air Iceland suleqatigiissuteqarfiginissaanut periarfissat misissuissasoq kaammattuutigaa.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.10.